

2  
EPISTOLA  
ILLUSTRISSIMORUM  
A C

REVERENDISSIMORUM  
ECCLESIAE PRINCIPUM,

FRANCISCI CAILLEBOT DE LA SALLE, olim  
Episcopi Tornacensis.

JOANNIS-BAPTISTÆ DE VERTHAMONT, Episcopi  
Apmiensis.

JOANNIS SOANEN, Episcopi Senecensis.

CAROLI-JOACHIM COLBERT DE CROISSY,  
Episcopi Montispeffulani.

PETRI DE LANGLE, Episcopi Bolonienfis.

CAROLI DE CAYLUS, Episcopi Antissiodorensis.

& MICHAELIS CASSAGNET DE TILLADET,  
Episcopi Matisconensis.


AD SANCTISSIMUM  
D. D. INNOCENTIUM  
PAPAM XIII.

Occasione Constitutionis *Unigenitus*, Datæ Romæ,  
anno Domini millesimo septingentesimo decimo  
tertio, sexto Idus Septembris.



AMSTELODAMI.

Apud NICOLAUMPOTGIETER. 1722.



## EPISTOLA

AD SANCTISSIMUM

D.D. INNOCENTIUM

PAPAM XIII.

SANCTISSIME PATER,

CUM primùm communi famâ accipimus divinâ te Providentiâ fuisse in Sanctâ Sedē collocatum, nullâ interpositâ morâ properamus testari SANCTITATI VESTRÆ, quàm summâ veneratione sancti Petri successorem prosequamur, quàm firmiter & immotē unitatis Ecclesiasticæ centro adhæreamus, quàmque sincerum & acre studium semper præ nobis tulerimus tuendi pro viribus nostris Apostolicæ Sedis gloriam.

Utinam possemus intimos animi nostri sensus SANCTITATI VESTRÆ oculis exponere: videres, SANCTISSIME PATER, quàm enixè & instanter Deum optimum maximum orare & obsecrare non destiterimus, nobis ut Pastorem secundum cor suum daret,

4 *Epistola Septem Episcoporum Gallie*  
 quàmque nunc alacri confidentis animi  
 sensu immortales eidem gratias agamus,  
 quòd eum Ecclesiæ suæ Pontificem con-  
 cesserit, qui sedis suæ celsitudini pares  
 animos gerens, in hoc totus incumbet,  
 ut veritatis lumine discutiat novitatis &  
 erroris nebulas, idemque sævientium  
 procellarum æstus caritatis lenitate com-  
 ponat.

I. Non dubitamus, SANCTISSIME  
 Sum- PATER, quin ex isto celsiore fastigio,  
 mo Pon- quo ipse in Ecclesiâ præemines, ad cir-  
 tifici ge- cumferendos hinc & indè Christi no-  
 neratim exhiben- mine pastoralis vigilantix & sollicitudinis  
 tur Ec- acres oculos, SANCTITAS VESTRA  
 clesiæ mala. convertat animum ad eas calamitates,  
 quibus nos undiquè jam pridem miserè  
 conflictamur, & conspectu tot malorum  
 paternæ caritatis tuæ viscera commovean-  
 tur.

Et verò quî posset videre Sanctitas  
 Vestra sine acerbissimo animi sensu & do-

(a) S. lore, (a) *Patrum dogmata contemni, A-*  
 Basil. *postolicas traditiones pro nihilo haberi, varia*  
 Epist. 61. *recentiorum hominum commenta in Ecclesiis*  
 ad Episc. *dominari? Ecce homines jam in loquendo*  
 Occid. *sophismatum dolosis artibus, non Theologorum*  
 On a tra- *solidis rationibus utuntur. Mundi sapientia*  
 duit ce *primas tenet, Crucisque gloriam longe arcet*  
 passage, *& abominatur. (b) Eversa pietatis & mo-*  
 & quel- *rum dogmata, Ecclesia Leges violata. Do-*  
 ques an- *minandi*  
 zres qui   
 snivent,   
 sur le   
 Grec.   
 (b) I.

minandi libido eorum, qui non timent Dominum, Ecclesiasticas invasit praefecturas; jam ille palam in mercedem iniquitatis proponuntur... Canonum vis omnis elanguit:

dem E-  
pist. 69.  
ad Episc.  
Ital. &  
Gall.

Summa regnat peccandi impunitas & licentia... justum judicium periit: quisque cordis sui desideria sequitur: nullus malitiae modus. Populi contumaciter indociles: Pastores mutire jam non ausi, turpiter servantur iis, quorum gratiae dignitates suas debent. Privata odia specioso pietatis nomine exercentur: discordiae flamma ab iis excitatur & alitur, qui debitam sibi damnationis poenam evadere cupientes, communium malorum turbam & tumultum sua quaerunt occultare dedecora: & ideo inexpiabile bellum concient, ne tranquilla pax suae malitiae velamen detrahat. Interim ridet impius, imbecilles fluctuant: dubitationes de fide suboriuntur: invadit animos ignorantia, quoniam subdola hominum malitia, fallaciter imitando veritatem, Dei verbum corrumpit & adulterat. Silent labia justorum, vocem improbitas liberè exerit... Quae par esse possit tot calamitatibus comploratio? Qui lacrymarum fontes tot malis sufficiant? Quandiù igitur stare aliqui videntur, quandiù vestigium adhuc aliquod veteris status superest, priusquam integrum Ecclesiae naufragium ingruat, oramus, obsecramus te, SANCTISSIME PATER, accurre, festina ad auxilium

6 *Epistola Septem Episcoporum Gallie nostrum : inclinato genu supplicantibus salutarem dexteram porrige. Commoveantur in te charitatis viscera : fluant ex oculis tuis uberes lacrymæ, testes acerbissimi doloris tui, nec sinas fidem apud nos extinguï.*

¶ I.  
Unde  
nata sit  
Constitutio.

Sed ut aptum & congruens tot malis remedium afferre possis, sinas, **SANCTISSIME PATER**, partem illorum à nobis ob oculos tuos poni : quî enim possemus illa **SANCTITATI TUÆ** universa exponere? Amans Ecclesiæ Pontifex, non potest non æquas præbere aures iis Episcopis, qui nihil aliud quàm ipsius Ecclesiæ & veritatis causam agunt, idque sibi proponunt unum, ut in gravissimo, quod unquam habuerit Ecclesia, negotio, assignatum sibi à Deo munus expleant.

Non enim privata quædam aut levioris momenti in Ecclesiâ nunc agitur quæstio, quæ liberam relinquat diversè opinandi facultatem, aut intra angustos limites concludatur. Hîc integrum corpus est novæ doctrinæ, quo universa Religionis capita impugnantur, quodque magis ac magis in dies per universas orbis Christiani regiones disseminatur.

Dignetur **SANCTITAS VESTRA** sibi ob oculos quasi sub uno conspectu proponere totum virus novarum super gratiâ opinionum, quarum ipsi autores

re-

recentem agnoscunt originem ; effra-  
nam & immanem licentiam corrupto-  
rum de moribus dogmatum , quæ  
inde fluxerunt : turbas & tumultus ,  
quos periculosa hæc doctrina jam in-  
de ab ortu suo in Ecclesiâ conci-  
tavit ; artes , fraudes , molitiones , seu  
clanculùm , seu palàm & vi apertâ adhi-  
bitas , ut nova hæc doctrina prævaleret.

Est hoc recens opinandi systema , in  
unum quasi corpus diversis membris &  
partibus artificiosè compactum , quod  
tuis Decessoribus periculosâ sui novitate  
metum & horrorem incussit ; quod in  
Congregationibus *de auxiliis* apertè dam-  
natum est ; cujus censuram publicatu-  
ros se polliciti sunt sæpius Romani Pontifi-  
ces ; quod illâ procrastinantium morâ ,  
támque longâ impunitate , novas sibi vi-  
res acquisivit. Hoc idem systema mo-  
liuntur hodiè veteris patrum nostrorum  
de gratiâ & moribus doctrinæ ruinis su-  
perstruere.

Hujus molitionis quasi signum sustu-  
lere , hinc Sfondratus Cardinalis , inde  
Pater Francolinus , suis abnormibus  
scriptis , quæ pravæ illi doctrinæ cumu-  
lum addiderunt. Utriusque Liber (a)  
palàm Romæ disseminatus est , & istic

A 4

ad-

(a) Nodus Prædestinationis dissolutus. Cleri-  
cus Romanus contra nimium rigorem munitus.

8 *Epistola Septem Episcoporum Gallia*  
adhuc hodiè spargitur. Utriusque Liber, quamvis maximè intolerandis erroribus scatens, huc usque censuræ labem & meritam infamiae notam effugit. Et quidem Sfondrati Liber, licet ad Tribunal Sedis Apostolicæ ab Illustrissimis quinque (a) Nostratibus Episcopis delatus, incolumis tamen & integer mansit sub tutelâ fato nuper functi summi Pontificis, cujus arctissimam cum illo Cardinale conjunctionem, utinàm minùs nosset totus orbis Christianus.

Quis jam tùm veteris doctrinæ amans, sanctæque Sedis gloriæ studiosus, non extimuit, cùm videret infaustum illud Opus sub tam illustri tutelâ ac præsidio, non modò tutum, sed etiam honoratum latere? At quanto acriùs iste in animis Bonorum omnium exarsit timor, cùm censuræ illius tam diù & tam vehementer ab Episcopis Gallicanis efflagitatæ labe, in ipsos illius flagitatores recidit, hoc est in Librum Considerationum Moralium, quem præcipui (b) ex illis Episcopis vel approbarant, vel defenderant.

Quâ

(a) Carolus Mauric. le Tellier Archiep. dux Rhem. Lud. Ant. de Noailles Archiep. Parisiensis. Jacobus Benignus Bossuet Episc. Meldensis. Guido de Seve Episcopus Atrebatensis. Henr. Feydeau Episcopus Ambianensis.

(b) Eminentiss. Card. de Noailles. Jac. Benign. Bossuet Episc. Meldensis.



Quâ totius orbis Christiani consternatione Decretum illud in lucem prodiit! Nunquàm fidei vox & clamor aut altiùs se aut constantiùs extulit. Quæ trepidatio, qui tumultus inter Episcopos! Quàm acerbus dolor eminentium maximè doctrinâ & pietate Theologorum! Quàm aperta Populi reclamatio! &, quod multo luctuosius est, quis apud hæreticos triumphus!

Nihil non in hoc negotio inauditâ atrocitate offendit, sive doctrinam ipsam spectes, sive iudicii formam & rationem.

Atque ut ab illo primo capite initium ducamus, quis non Bullam *Unigenitus* cum novo recentiorum Autorum systemate comparans, germanam utriusque similitudinem & affinitatem statim agnoscat, dùm illa easdem prorsùs materias amplectitur, iisdem Propositionibus adversatur, easdem, quod vix credibile est, sanctorum Patrum locutiones, contra quas illi novitatum fabricatores jampridem conspirant, solemni iudicio damnat?

III.  
Constitutione  
spectatur  
in se, &  
ratione  
doctrinæ.

Maximum & primum omnium mandatorum quæ ad morum disciplinam pertinent, unde universa Lex pendet & Prophetæ, quo totius vitæ Christianæ velut anima continetur, hoc est amor Dei; idem etiam maximè omnium à

Propositiones  
quæ  
spectant  
magnam  
Amoris  
Dei præceptum.

10 *Epistola Septem Episcoporum Gallie*  
 pravis Casuistis impugnatur : & quan-  
 tum Ecclesiæ Patres, præsertim sanctus  
 Augustinus, apertâ in luce præceptum  
 illud suis explicationibus collocarunt,  
 tantum id obscurare moliti sunt tenebri-  
 cosi illi Scriptores, eoque demum pro-  
 gressi sunt temeritatis, ut omni pudore  
 abjecto, ipsa sanctorum Ecclesiæ Patrum  
 verba impeterent. Pater Francolinus  
 Jesuita damnat apertè has S. Augustini  
 propositiones : *Deus non colitur nisi aman-*  
*do... Fides sine caritate esse potest, prodesse*  
*non potest*; aliasque ejusmodi. Hujus-

Cler.  
 Rom. t.  
 2. disp.  
 7. pag.  
 183.

De Dif-  
 cipl.  
 pœnit.  
 lib. 3. c.  
 6. p. 319.

MODI SENTENTIIS, inquit,  
 SPIRITU VEHEMENTIORI PRO-  
 LATIS, abundant Patres, præsertim  
 Sanctus Augustinus... *quæ quidem si acci-*  
*piantur ut sonant, nec ad ærtiorem aliquem*  
*& benigniorem sensum redigantur, falsæ*  
*sunt, & errores continent.*

Ista fuit velut prævia adumbratio cen-  
 suræ, quæ parabatur contra Sanctorum  
 Patrum propositiones; cujus perfectio  
 secuta est in eo Decreto, quod ab ejus-  
 dem doctrinæ fautoribus per fraudem  
 subreptum est. Damnantur in eo pares  
 omninò propositiones : *Deus non coronat*  
*nisi caritatem : qui currit ex alio impulsu,*  
*& ex alio motivo in vanum currit... Deus*  
*non remunerat nisi caritatem, quoniam cari-*  
*tas sola Deum honorat... Et aliæ.*

Prop.  
 L V.

Prop.  
 L V L.

Ad

An connivere in re tam clarâ & diffimulare adhuc placet? At audiatur is, qui jussu Clementis XI. & cum approbatione trium è Consultoribus, à quibus hæc censura concinnata est, apertè ad eam tuendam profitetur: *Frustraneum Novaturientium laborem esse in conquiendis quibusdam locis obscurioribus Sancti Augustini*: Patrem hunc in virtutis excellentissima commendationem figuræ forsitan Rhetorices indulsisse paululum videri. Hæc per figuram Rhetorices dici. Si verò istiusmodi locutiones in rigore semper accipiantur strictissimo, neque ad notam alibi ejusdem autoris sententiam reducantur, neque Patres, neque ipsos sacros codices, à dogmatum inter se pugnâ & falsitate facile vindicari posse. Hanc de caritate loquendi rationem, quâ usus est Sanctus Augustinus, opportunam hæreticis occasionem fuisse fabricandi nova Dogmata. Illà de causâ velle ipsos, eisque temerè adherentes, ut Tyrones solis incumbant legendis Scripturarum, atque Augustini voluminibus. Hunc Patrem, ut & ceteros quatuor Ecclesiæ Patres, exaggeratione quâdam concionatoribus familiari, ita caritatem extollere. Denique autor ille falsò asseverans quasi certum & indubitatum, Constitutionem Unigenitus esse decisionem canonicam universalis Ecclesiæ, concludit ex S. Thomâ, nec Hieronymum, nec

Const.  
Unig.  
Theolog.  
propugn.  
in prop.  
51. cap.  
6. pag.  
451.  
In prop.  
50. cap. 6.  
pag. 541.  
In prop.  
51. pag.  
579.

In prop.  
53. pag.  
658.

In Syn.  
nophi ad  
prop. 47.  
cap. 6.

12 *Epistola Septem Episcoporum Gallie Augustinum, nec aliquem sacrum Doctorem sententiam suam contra talem auctoritatem defendere.*

Licet-neergò, SANCTISSIME PATER, ita contemptim clarissimos Ecclesiæ Patres traducere per ora hominum, velut temerarios quosdam & inconsideratos Rhetores, tamque indignis habere modis usitatissimas eorum locutiones, Scripturæ Sacræ usu & Traditionis auctoritate consecratas, easdemque passim adhibitas & in libris de pietate conscriptis, & à controversiarum Tractatoribus, & nominatim à celeberrimo Cardinali Hosio in explicatione Fidei Formulæ contra hæreticos, semperque hætenus à Fidelibus usurpatas, ubi de præcipuo Christianæ morum disciplinæ præcepto agitur?

Nobis rectius intelligit SANCTITAS VESTRA, quidquid contrà effutiant callidi illi mendaciorum artifices, ut calumniis suis, si fieri potest, fucum hominibus faciant, nec sermone Traditionis, nec ab Autore Considerationum Moralium, nec ab ullo eorum qui Constitutioni *Unigenitus* adversantur, impugnari distinctionem virtutum, aut sanctitatem & utilitatem diversarum dispositionum, per quos veluti totidem gradûs, peccator ad accipiendam caritatem habitualement præparatur. Omnes hîc vocem *caritatis* acci-

cipiunt, post Sanctum Paulum, ut ob-  
servat Estius \*; post Sanctum Augusti-  
num, ceterosque Patres, ut tradunt  
Doctores Lovanienses †; post Theolo-  
gos & Patres Concilii Tridentini, ut  
notant Suares \* & Cardinalis Palavi-  
cinus †; denique post Episcopos Gal-  
liæ in censuris Apologiæ Casuistarum:  
Omnes igitur hîc vocem *Caritatis* acci-  
piunt, non stricto sensu pro amore  
justificante & dominante, sed genera-  
liter pro *quavis Dei castâ propter se dilectio-  
ne*, cujuscumque demùm generis, & in  
quocumque gradu sit. Omnes illi por-  
rò contendunt cum his Episcopis \* ut  
id semper Patres docuerunt, & etiam-  
num docent celeberrimæ Facultates Theo-  
logiæ †, debere nos ex amore Dei *om-  
nia ad eum tanquàm ad finem ultimum aut  
actu, aut virtute, referre.*

Hoc, hoc capitale dogma, SANCTIS-  
SIME PATER, pessundare nituntur pra-  
vi Casuistæ, inustâ censuræ notâ locu-  
tionibus Patrum, quibus illud enuntia-  
tur. Huic olim in Apologiâ Casuista-  
rum *erroris* nomen affinxerunt; Et,  
quamvis liber iste Romæ proscriptus fue-  
rit, ut in Galliâ, en illi propositum con-  
stanter urgent, in idque nunc totis viribus  
incumbunt, ut pronuntiatum Romæ ju-  
diciū idem fuisse videatur, quod infa-

\* Com-  
ment. in  
1. ad Cor.  
cap. 13.

† Arti-  
culi pro-  
positi ad  
Innoc.  
XI.

\* Lib. 2.  
de gr.  
cap. 15.  
pag. 490.  
† Hist.  
Conc.  
Trid. lib.  
8. cap.

14

\* Man-  
datum  
Card.  
Janfon.  
& Card.  
Bona  
Tract. de  
principi-  
vitæ  
Christia-  
næ.

† Art. 5.  
Fac. Pa-  
ris. part.  
1. Art.  
Fac. Lo-  
van. pro-  
positi ad  
Innoc.

XI.

14 *Epistola Septem Episcoporum Gallie*  
 mis ille autor tulerat; nec stat penes eos,  
 quin ut canonica universalis Ecclesiæ de-  
 cisio habeatur Decretum illud, quo  
 damnantur propositiones XLIV. (a).  
 & XLVI. (b) & aliæ, quæ nihil aliud,  
 seu in seipsis, seu in sensu autoris expri-  
 munt, quàm necessitatem actiones nostras  
 ad Deum actu, aut virtute referendi.

Vellet-ne sancta Sedes damnare nunc  
 doctrinam, quæ etiam nuperrimè sub In-  
 nocentii XI. Pontificatu comprobata est?  
 An percutiet anathemate voces sancti Leo-  
 nis Magni, qui iisdem ac Consideratio-  
 num Moralium autor verbis asserit (a),  
 esse duos amores, ex quibus omnes procedunt  
 voluntates, ita diversæ qualitatibus, sicut  
 dividuntur auctoribus. Rationalis enim a-  
 nimus, qui sine dilectione esse non potest aut  
 Dei amator est, aut mundi: in dilectione  
 Dei nulla nimia, in dilectione autem mundi  
 cuncta sunt noxia. Et ideo æternis bonis in-  
 separabiliter inherendum, temporalibus verò  
 transeunter utendum est.

Serm  
 88. de Je-  
 jun. sep-  
 timi  
 Mensis.

Pa-

(a) PROP. XLIV. Non sunt nisi duo amores,  
 unde volitiones & actiones omnes nostræ nas-  
 cuntur amor Dei, qui omnia agit propter Deum,  
 quemque Deus remuneratur; & amor quo nos  
 ipsos, ac mundum diligimus, qui, quod ad  
 Deum referendum est, non refert, & propter  
 hoc ipsum fit malus.

(b) PROP. XLVI. Cupiditas aut caritas, ut-  
 rum sensuum bonum vel malum faciunt.

Parùm erat pravis Casuistis per obreptionem elicuisse tam abnormem censuram. Ne quid deesset ipsorum victoriæ, neve illa posset quomodocunque obscurari, effecerunt ut jussu functi nuper fato summi Pontificis, & cum approbatione Consultorum, per totum orbem christianum disseminaretur istud dogma, *fidem* hanc, ex quo Decretum istud latum est, teneri ab omnibus oportere, esse scilicet *dilectionem humanam, caritatem humanam licitam, absque omni in Deum relatione, præsertim absque dilectione Dei super omnia. Nec* satis esse si dixeris *licitam eam prædicari propter officium, finem verò dilectionis malum esse..... Non esse verum, quòd omnis actio quæ non nascitur ex amore Dei omnia agente propter Deum, sit mala, siue ex amore malo perversam trahat originem.....* spem esse fore ut *FIDEM* istam teneat deinceps Lovaniensis Academia qua Bullam Unigenitus accepit.

Conf.  
Unigen.  
Theol.  
propugn. in  
Prop. 44.  
pag. 280.

Ibid. pag.  
191.

Ibid. pag.  
293. &  
314.

An ergo, SANCTISSIME PATER, Lovaniensis, Parisiensis, aliæque Facultates Theologicæ nuntium ei doctrinæ remittent, quam semper hætenus approbante Apostolicâ Sede tenuerunt? An Episcopi sacrum Depositum, quod à suis Decessoribus acceperunt, perire patientur? An ipsa Sedes Apostolica sustinebit hac contumeliâ sanctos Leonem, Gregorium,

ip-

16 *Epistola Septem Episcoporum Gallie*  
 ipsúmque Apostolum Paulum afficerè, ut  
 repudiât eorum doctrinâ ipsi Ecclesiæ  
 coævâ, recentem statuat *fidei articulum*,  
 quem apologia Casuistarum, ceterique  
 disciplinæ morum corruptores, in locum  
 antiquæ fidei conantur inducere? De-  
 fensor Bullæ suam ipse causam prodit,  
 ipsâ, quam hîc præ se fert, novitate.

IV. Nec minùs clara ejusdem novitatis ves-  
 tigia apparent in iis quæ spectant necessi-  
 tates de necessitate amoris Dei, ut  
 necessitate amoris Dei, ut  
 cor conver-  
 tatur. *Propositiones de necessitate amoris Dei, ut cor convertatur.*  
 (a) Sua-  
 res in 3.  
 part. 9.  
 90. art.  
 4. disp.  
 1. n. 17.  
 (b) In  
 summa  
 cas. lib. 1.  
 cap. 9. n.  
 34.  
 Tom. 2.  
 disp. 7.  
 pag. 183.  
 tigia apparent in iis quæ spectant necessi-  
 tatem amoris Dei, ut sincera fiat cordis  
 conversio, omnisque peccandi voluntas  
 excludatur. Suares (a) & Sanches, (b)  
 qui huic doctrinæ adversantur, atque a-  
 deo necessitatem amoris Dei in Sacramen-  
 to Pœnitentiæ rejiciunt, fatentur inge-  
 nuè, *hanc opinionem, nec VALDE anti-*  
*quam esse, nec valde communem.*

Cùm autem comites sint plerúmque  
 novitatis temeritas & audacia, eò pro-  
 greditur Jesuita Francolinus, ut hac in  
 re non vereatur veterum Patrum *doctrina*  
*sua adversantium* voces reprobare. *Ha*  
*propositiones sancti Augustini*, inquit,  
 „ Non auferuntur peccata, nisi gratiâ fidei  
 „ quæ per dilectionem operatur... Non re-  
 „ conciliamur nisi per dilectionem, quâ etiam  
 „ filii Dei appellamur... Inimicus justitia est  
 „ qui timore pœnæ non peccat... Qui ge-  
 „ hennas metuit, non peccasse metuit, sed ar-  
 „ dere.... Timor, quo non amatur justitia,  
 „ sed



„ sed timetur poena, servilis est, & ideo cru-  
 „ cifigit carnem: vivit enim peccandi volun-  
 „ tas. ” Tot aliæ hujusmodi propositiones, qui-  
 bus abundant Patres, præsertim Sanctus De dif-  
 Augustinus, autore illo Jesuitâ, falsæ sunt, cipl.  
 si accipiantur ut sonant, & errores conti- pœnit.  
 nent. lib. 3. cap.

Quis non justo pavore percellatur,  
 SANCTISSIME PATER, cùm videat tali  
 illius Jesuitæ judicio, aliud omnino par  
 brevi pòst succedere, ab ejusdem doctri-  
 næ consortibus vehementer efflagitatum,  
 quo similes prorsùs propositiones damnan-  
 tur tanquam perversa doctrina illius au-  
 toris, qui nihil aliud docet, nisi solo ti-  
 more non mutari cor, \* quamvis idem a-  
 libi fateatur timorem istum esse donum  
 Dei, & motum Spiritus sancti, eum-  
 que utilem & salutarem.

Frustra quis tam clarum illius Decreti  
 sensum, & quæ ex eo consequuntur sibi  
 ipsi dissimulare connivendo quærat. Qui  
 illud suis artibus extorserunt, idemque  
 scriptis suis defendunt jussu defuncti Pon-  
 tificis, & cum approbatione Consulto-  
 rum,

\* Prop. LXI. Timor non nisi manum cohi-  
 bet, cor autem tandiu peccato addicitur, quan-  
 diu ab amore justitiæ non ducitur.

Prop. LXII. Qui à malo non abstinet nisi ti-  
 more pœnæ, illud committit in corde suo, &  
 jam est reus coram Deo.

Conf. rum, totis voluminibus probant ti-  
 Unigen. more tam voluntatem, quàm manum à pec-  
 Theol. cato cohiberi..... Eo excludi omnem pec-  
 propugn. candi voluntatem : In solis rudibus &  
 Synopsi ignorantibus, qui scilicet artem dirigen-  
 in prop. 61. cap. dæ intentionis non callerent, posse reperi-  
 i. Ibid pag. 927. ri cum formidine suppliciorum istiusmodi con-  
 ditionatum peccandi desiderium, Peccare vel-  
 lem, si possem impunè, non item in iis qui  
 Pag. 992. fidei principiis satis imbuti sunt : Hunc  
 timorem, cùm infirmus est, posse quidem  
 mentem à desideriis, affectibus, cogitationi-  
 bus liberis cohibere; cùm autem est robustior,  
 id re ipsa præstare, concupiscentiam omnem,  
 & suggestiones Diaboli vincendo, nec sola  
 membra corporis, sed & animum avertendo  
 Pag. 959. à crimine. Aliter sentire, excusabilis fortè  
 error fuerit ante Constitutionem Unigenitus :  
 Post hanc nemo, nisi salutis suæ insipienter  
 prodigus, se in convictissimi erroris gratiam  
 exponit anathemati : Eundem sensum com-  
 plexam esse Ecclesiam HODIE univer-  
 Pag. 991. sam, ad quam non pertinere adversarios  
 nostros schismaticos Fidelibus manifestum  
 Pag. 994. est, utpote repugnantes nunc omni quæ sub  
 cælo est Ecclesiæ.

Vides, SANCTISSIME PATER, quò  
 malorum redacti simus, & quàm illa om-  
 nem excedant modum. Ut Bullæ con-  
 grua sentiamus, volunt recentem & i-  
 gnotam Patribus nostris doctrinam teneri

hodiè ab Ecclesiâ. Abominanda Casuistarum perversorum Theologia, jam pro fide, quæ nunc necessariò amplectenda est, protruditur. *Anathemate* percutitur, si quis reveretur aliud istud sancti Pauli *anathema* contra eos, qui non amant Dominum nostrum JESUM CHRISTUM. Tanquam *schismaticus*, & à caritate ac communione Ecclesiæ separatus habetur, quisquis noluerit solvere peccatores à gravi jugo diligendæ justitiæ, ut eorum cor à peccandi voluntate liberetur. Istud in posterum juris habebit lex amoris; ut quis possit sine ullo prorsus amore converti. Hæc novæ Bullæ doctrina. Nihil jam ejus studiosos defensores moratur, nec verendum sancti Augustini nomen, nec reliquorum Patrum consensus, nec ipsa textuum autoritas, quos omnis semper Traditio suspexit, non ut voces quasdam Patribus temerè & incogitanter elapsas, sed ut verendas locutiones, quibus Ecclesiæ doctrina continetur. *Quid nos*, inquit autor defensionis Theologicæ, post alium ejusdem sententiæ scriptorem, *quid nos morantur dicta sancti Augustini, & quorundam aliorum Patrum, dubia, obscura, contorta?*

1. Cor.  
16. 22.

In prop.  
61. pag.  
932.

Ut tamen cum illo sancto Patre indulgentiùs agatur, concludit Pater Fontanius,

Pag. 991. nius, *determinandas & limitandas esse illius locutiones*, ne ille contradicere videatur dogmati per Bullam *legitimè definito*: Et revera ipse iis pro suo nutu terminos & limites apponit, quales autem Deus bonæ! Ac loquens de Theologis, à se diversa sentientibus, iterum hic inculcat, *nec Hieronymum, nec Augustinum, nec aliquem sacrorum Doctorum, suam sententiam contra talem auctoritatem defendere*. Quod quidem jam antea literis ultimis Decessoris vestri furtim & subdolè insertum fuerat. Quò tendat autem responsum illud perspicit SANCTITAS VESTRA. Ergo-ne in posterum habendi nobis erunt fidei interpretes & arbitri Francolinus, Fontanius, & aliæ ejusmodi quisquiliæ ac sordes, à quibus in Christianam morum disciplinam tam nefanda corruptelæ labes invec̃ta est? Intuere nunc, SANCTISSIME PATER, obsecramus te, & uno conspectu considera, initum jampridem, & primis veluti lineis designatum censuræ istius consilium: censuram mox ipsam, eorundem machinationibus & dolis impetratam: denique secutam statim censuræ illius explicationem, qualem ipse audiisti, hoc est scatentem totam scandalosis & contumeliosis adversus sanctos Ecclesiæ Patres criminationibus.

Quas non laxioris doctrinæ corruptelas in administrationem Pœnitentiæ invehunt pernicioſa hæc ſuper magno amoris Dei præcepto dogmata? Poſſet-ne fervens paternâ caritate Paſtoris animus, non intimo dolore ac metu concuti, dum Chriſti gregem tam cœcis ducibus derelictum videt? Poſſet-ne ſiccis oculis intueri tot millium perniciem animarum, pro quibus Chriſtus ſuum fudit ſanguinem, ſacrilegam auguſtiſſimorum Religionis myſteriorum profanationem, illatam magis ac magis in dies impunè ſanctiſſimis Pœnitentiæ regulis vim & contumeliam, univerſam denique morum, pietatis, & doctrinæ perniciem & ruinam, quam Novatores in Eccleſiam inducere moluntur?

v.  
Propoſi-  
tiones  
quæ  
ſpectant  
Pœni-  
tentiæ  
regulas.

Tales mendaciorum magiſtri peracre ſtudio præ ſe ferant contra inſanos errores Petri Oxomenſis, invidioſum Rigoriſmi nomen temerè & magnis clamoribus affingant religioſiſſimo cuique ſanctiſſimarum legum cuſtodi; non illi fucum facient SANCTITATI VESTRÆ, cujus acuta ſagacitas facilè poterit deliteſcentem ſub hoc ſpecioſo veritatis velamine aſtutiam & dolum internoscere. Dùm ſic illi *mentiuntur populo credenti eorum mendaciis, & mœrere faciunt cor juſti mendaciter; conſuunt interim pulvillos ſub omni*

Ezechi.  
XIII.

22 *Epistola Septem Episcoporum Gallie cubito manus, & faciunt cervicalia sub capite univ[er]sa etatis ad capiendas animas, ut interficiant animas quæ non moriuntur, & vivificent animas quæ non vivunt.*

Unus ex eis, qui deditâ operâ in unum collegit opus quidquid maximè corrupti laxioris morum disciplinæ magistri super Pœnitentiâ docuerunt, opus illud Romæ edit in publicam lucem: & id ipsi impune est. Alter scriptor paucis contrahit præstantes sancti Caroli regulas: & is Romæ damnatur.

Cler. Rom. t. 2. disp. x. p. 263. collata cum p. 275. Unus, hoc est P. Francolinus, probare nititur multis voluminibus, *cum quis habet solam attritionem* vero Dei amore destitutam; *cum accedit ad confessionem sine vero dolore & proposito*, atque etiam peccandi consuetudine implicitus; *cum peccatum, præsertim ex gravioribus commisit*; *cum recusat pœnitentiam*, quamvis proportionatam culpis commissis; *quamvis ad tribunal accesserit imparatus*, & animo indusso, vel perseverans in occasione proximâ, vel nihil emendatus, nihilque conatus ut se corrigeret, debet PLERUMQUE Confessarius ipsum disponere brevi exhortatione, & sic dispositum statim absolvere, quamvis Confessor non habeat aliud signum veræ dispositionis in pœnitente, quam dictum ipsius asserentis se dolere. Hæc monstra, hæc portenta Francolinus Romæ sub oculis postremi

Ibid. t. 1. disp. 5. pag. 130. De Dis- cipl. pœ- nit. lib. 30. cap. 9.

postremi Pontificis docet : & ipsi permittitur palàm profiteri, *hanc esse propriam Romanæ Ecclesiæ sententiam.*

Cl.  
Rom. t.  
2. disp.  
12. pag.

Alter, hoc est P. Quesnellus, in suis Considerationibus datâ occasione strictim innuit, cùm ad Confessorem peccatores accedunt nondùm poenitentes & contriti, *modum esse plenum sapientiâ, lumine & caritate, dare animabus tempus portandi cum humilitate, & sentiendi statum peccati, petendi spiritum poenitentiae & contritionis, & incipiendi ad minis satisfacere justitiæ Dei, antequàm reconcilientur.* Addit idem, Ignorare nos quid sit peccatum & vera poenitentia, quando volumus STATIM restituere..... & detrectamus separationis istius ferre confusionem. Ab annis quadraginta & ampliùs scripserat hoc autor Considerationum Moralium : & sub eodem Pontifice durissima in hunc anathematum fulmina detonuerunt.

Prop.

87.

Prop.

88.

Atque ut tam diversæ hinc & hinc imagini ultimus accederet color, magisque tam dispar censuræ & indulgentiæ modus emeretur, noluit is qui Pontificio jussu defensionem Constitutionis suscepit, ignorare nos rigorem Theologorum, quos Bulla damnat, in eo situm esse, quod solâ poenitentis attritione, & horarum, vel etiam dierum aliquot piâ preparatione, minime contenti sint.

In prop.

28. pag.

501.

*Absit,*

24 *Epistola Septem Episcoporum Gallia*

Epist.  
Cleri.  
Rom. ad  
S. Cypri-  
acum.

*Absit, SANCTISSIME PATER, ab Ecclesiâ Romanâ, ut vigorem suum tam profanâ facilitate dimittat, & nervos severitatis, eversâ fidei majestate, dissolvat. Absit, ut properata nimis remedia absolutionum & communicationum præstans, nova per misericordiam falsam vulnera veteribus transgressionis vulneribus imprimat. Si enim medicus tantummodo operit vulnus, nec finit necessaria temporis remedia obducere cicatricem; hoc non est curare, sed occidere.*

Olim, si vel levissimum pœnitentiæ regulis periculum immineret, totas illicò in hanc partem curas, & arrectam sollicitudinem solebat Sancta Sedes convertere. Heu! in quæ tempora miseri incidimus! Quibus ærumnarum incrementis affligimur! Patietur-ne VESTRA SANCTITAS sub umbrâ subrepticij Decreti persuaderi hoc universo orbi christiano, tam sanctas regulas hodiè ab Ecclesiâ Romanâ rejici?

V I.  
Propositiones  
quæ pertinent ad  
lectionem  
Scripturæ  
faciendæ.

Novitatis fautores, à quibus extincta penè est in cordibus Fidelium sancta caritatis flamma, volunt adhuc iisdem divinam hanc lucem eripere, quæ ex sanctorum librorum lectione existit: Et eadem manus, quæ peccatoribus, quantumlibet indignis, ad participandum Christi corpus & sanguinem promiscuè sanctuarium referat, Fidelium gregi Scripturæ divinæ

fa-



sacrarium, quamlibet in id aspiranti, penitus occludit. Quin & Constitutionis defensor, duritati contumeliam adjiciens, audet dicere, *si rudibus & foeminis promiscua Scripturarum lectio permitteretur, datum iri sanctum canibus*. Sic ille interpretatur damnationem harum Patris Quesnelli vocum : *Lectio Scripturae sacrae est pro omnibus*.

Prop.  
LXXX.

SANCTITAS VESTRA, cujus judicia æquitate & bonâ fide nituntur, existimabit proculdubio utramque violari apertè, si dicatur ista propositio, vel strictam cuilibet imponere legendæ Scripturæ necessitatem, vel excludere sapientes quasdam cautiones & exceptiones, quas exigit prudentia erga certos homines adhiberi. Nihil aliud igitur ista propositio nisi manifestam veritatem continet, quam Deus ipse in Scripturis revelatam esse voluit, quam Martyres suo cruore signarunt, quam Patres & summi Pontifices populos docuerunt, quam Theologiæ scholasticæ Magistri in suis scriptis consignatam reliquerunt, scilicet Scripturam sanctam destinatam esse omnibus hominibus, ut divina Sacramenta, quæ longè sanctiores exigunt dispositiones, *eamque communiter omnibus hominibus esse propositam*.

S. Thomas I. p.  
q. 1. art.  
9.

Quis non pavore consternatus ingemuit

muit ad censuram tam orthodoxæ propositionis, præsertim in hoc regno, ubi Fideles isto cœlesti cibo assiduè enutriti, longo usu & felici experienciâ edocti sunt quæ sit utilitas & consolatio Scripturarum: ubi Pastores, nedum restringere illam sitim, sanctamque libertatem restringere cogitent, in id totis viribus incumbunt, ut apud Fidelium animos illum sacræ religionis gustum & ardorem augeant.

Divinæ gratiæ beneficio evasimus jampridem nebulosa illa tempora, ubi non immeritò timebatur latens virus in iis Scripturæ versionibus quas hæretici concinnarant. Obviam itum est, ut facile erat, huic periculo, disseminatis passim accuratis & orthodoxis Scripturæ versionibus.

Aliud nunc virus, S A N C T I S S I M E P A T E R, aliud periculum Ecclesiæ metuendum, à pravis scilicet Casuistis, qui veriti ne atram opinionum suarum caliginem affulgens divinæ Scripturæ lux aperiat & dissipet, immisericorditer è manibus Fidelium extorquent vel ipsum patris sui Testamentum; iidemque in locum libri illius, qui verba vitæ continet, faciliùs sinunt substitui infectos sæculi veneno libros, & tetrum mortis odorem exhalantes.

An poterit S A N C T I T A S V E S T R A  
non

non vehementer commoveri ærumnoso statu tot populorum, quos in mediâ luce Evangelii sedentes funesta caligo ignorantiae operit; & quibus ista divinæ legis ignorantia velut Christianæ pietatis pars ab ipsâ quodammodo Religione imperatur? Dùm sic dormiunt homines securo sopore insepulti, inimicus homo in medio tritici zizania impunè superfeminat, totumque Dominicum agrum occulto pestilentis doctrinæ veneno inficit.

Aperiantur, SANCTISSIME PATER, tenera caritatis tuæ viscera, erga optimos filiorum tuorum, qui, ad refocillandam animam, panem à te, panem divini verbi petunt, & ab illâ mensâ durè & inclementer repellî se cum gemitu & lacrymis conqueruntur. *Innova, SANCTISSIME PATER, dies antiquos sicut à principio*, cùm sancti Pontifices divinos libros ipsi in manibus Laïcorum reponerent, ultróque hortarentur S. Greg. lib. 4. Ep. 40. legere eos *tanquam Epistolam Dei omnipotentis ad creaturam suam*, nec dubitarent Lib. 9. Ep. 75. palàm ipso nomine Veritatis profiteri, cùm, *juxta testimonium veritatis, occasio sit errorum ignorantia Scripturarum*, EX- Greg. 1x. Epist. 2. ad Germ. Archiep. PEDIRE CUNCTIS illas legere, vel *audire.*

Utinam Theologi quidam eas ipsi accuratiùs legerent, ex iisque puris fontibus, VII. Propositiones

quæ grâ-  
tiam  
spectant.

bus, & Scriptis sanctorum Ecclesiæ Patrum veram super gratiâ doctrinam haurire assueti, minùs audiissent humana cœcutientis rationis commenta, cujus in superbo sensu cuncta insunt Pelagianismi principia! *Altissimo ac saluberrimo sacramento*, inquit Augustinus, *universa facies, atque (ut ita dicam) vultus Scripturarum sanctarum benè intuentes id admonere videtur, ut qui gloriatur, in Domino gloriatur.*

Enchir.  
c. 98.

In Conc.  
disp. 12.

Contrà vult Molina salutis suæ gloriam hominem cum Deo partiri, ita ut *de cooperatione liberâ per suum arbitrium ad gratiam gloriari possit.* Id ex eo systemate necessariò consequitur, secundum quod homo ejusdem illius gratiæ præsidio, quam heri à Deo acceperat, hodiè convertitur, quia libero ejus arbitrio placuit illam hoc præcisè momento donare suo effectu. Secundùm illud systema contingere potuit, ut maximus omnium peccator, ut Evangelii Peccatrix, ut Latro, ut Paulus ipso suæ conversionis momento, nullum gratiæ recentem gradum acceperint, sed acceptæ priùs gratiæ liberam tantùm adjecerint suæ voluntatis determinationem. Secundum illud idem systema operatio Dei in cor hominis, totusque redemptionis per Christum effectus, eò demum redit, ut hominum

Ibid.  
disp. 53.  
pag. 266.

voluntas in æquilibrio constituatur : ita ut inter homines duos, aliunde in cunctis æquales, & qui eundem prorsus à Deo gratiæ gradum acceperint, in pari causâ alter ab altero se ipse suo consensu discernat. Denique per illud systema obscurantur & evanescunt adumbrata passim in Scripturis divinæ in nos providentiæ consilia, totius œconomia Religionis invertitur sublato inter diversos generis humani status discrimine, mutantur usitatæ in Ecclesiâ precum formulæ, gratiarum actio extinguitur, inducitur perniciose peccati philosophici doctrina, & cæteræ laxioris morum disciplinæ labes, maximèque alitur humanæ superbiæ tumor, dum in negotio salutis primum decidendi jus ac præcipua autoritas libero arbitrio traditur.

Cui dubium videri potest quin secundum hanc doctrinam jure concludat Molina posse hominem in se ipso *gloriar*, <sup>Suprà</sup> de illâ *partialitate causæ*, quam in operandâ salute propriam sibi ac peculiarem vindicat? Visâ est tamen hæc Molinæ confessio durior, & apertiùs contraria Scripturæ, sanctisque Patribus, qui hominem docent nullâ in re gloriar, quoniam omne bonum à Deo est. Itaque Cardinalis Sfondratus, Molinæ discipulus, duxit illius consequentiæ asperitatem esse aliquâ

in speciem moderatione temperandam, sic tamen ut nihil de periculoso hujus opinionis principio remittat. *Tam mul-*

Nodus  
prædest.  
dissol.  
pag. 58.  
& 59.  
Edit.  
Col.

*tum est*, inquit, *quod medicus facit potio-*  
*nem temperando & porrigendo, & tam pa-*  
*rum est quod agrotus facit accipiendo, ut*  
*merito omnia medico, nihil agroto debeatur.*

Quis non videt sequi inde, posse hominem de hoc saltem gloriari, quod ad potionem capiendam suâ voluntate inductus sit, sicque se ipse ab iis discreverit, qui, quoniam idem noluere, perierunt? Quod verò idem autor adjicit,

Pag. 338. *Quidquid in causâ salutis prestare homo potest, id planè tam exiguum est, ut omnia gratia, nihil sue industria debeat, est quidem germanus ille animi verè christiani sensus, si de gratiâ rectè opinetur: secus, nihil aliud est quàm vana & veritatis expers ad Deum blandiloquentia, quâ illi totus honos conceditur actionis, cujus potiore sibi partem jure potest liberum arbitrium vindicare.*

Si hæc, SANCTISSIME PATER, doctrina sequitur ex illarum propositionum damnatione, an sine causâ nos contra illam reclamamus? Utrum ita se res habeat, teste & autore apud VESTRAM SANCTITATEM utemur eo ipso, cui tuendæ Constitutionis munus injunxit recens fato functus Pontifex.

Nul-

*Nullum est*, inquit ille, *in eo inconve-* In prop.  
25. pag.  
408. n. 8.  
*niens, ut discretio nostra PARTIM ho-*  
*mini tribuatur, supposito gratiae auxilio...*

*Quae nobis in discretionem illâ pars est,* Pag. 407.  
n. 6.

*qualiscunque pars nostra, tam exigua est,*  
*et quidem à Deo per gratiam accepta, sic-*  
*que Dei magis quàm nostra, ut repellenda*  
*gloriatio sit velut ineptissima, si ob TAN-*  
*TILLUM A NOBIS AD OPERA*  
*BONA COLLATUM discretionem sibi*  
*humana superbia vindicare præsumpserit...*

*PARUM ILLUD QUODAM MO-* In prop.  
34. pag.  
748 n. 4.  
*DO PRO NIHILO COMPUTAN-*

*DUM... Quia quod homo lapsus confert*  
*ad meritum, tam est exiguum, ut compo-*  
*situm cum eo quod præstat gratia, velut arena*  
*sit cum monte comparata.* Talem nobis  
plurimarum Bullæ propositionum obtru-  
dunt interpretationem: hoc est, peri-  
culosissimum Sfondrati locum, autore  
postremo Pontifice, & approbantibus  
Consultoribus, quasi germanam Decreti  
illius doctrinam proponunt.

An ista doctrina est, **SANCTISSI-**  
**ME PATER**, quam S. Paulus Aposto-  
lus tam singulari studio Ecclesiæ Ro-  
manæ custodiendam tradidit? Feret-ne  
**SANCTITAS VESTRA**, sub au-  
gusto nomine illius Ecclesiæ, novos Ma-  
gistros nihil non audere aggredi contra  
gloriam gratiæ Dei? Non jam latent eo-

32 *Epistola Septem Episcoporum Gallia*  
rum consilia. En ipsi, ut speratum in-  
de fructum colligant, prorsusque diffi-  
pent alienas istas interpretationes, quas  
isti Decreto quisque nunc suo arbitratu,  
contra vim verborum rei que veritatem af-  
fingit, apertè declarant super unâquaque  
materiâ quid sibi in animo fuerit.

VIII. *Proposi-  
tiones  
quæ  
spectant  
volunta-  
tem Dei  
omnipo-  
tentem.* Dubium certè non reliquerunt quid  
molirentur adversus omnipotentem Dei  
voluntatem. Non ignorat SANCTI-  
TAS VESTRA Molinam, nixum au-  
toritate Pelagii, quem pro S. Hieronymo  
accepit; nixum item alio Pelagiani cu-  
jusdam loco, quem tribuit S. Ambrosio;  
In Conc. art. 6. q. 19. pag. 271. ponere in Deo ad salutem hominum vo-  
luntatem conditionatam, cujus conditio  
à liberi arbitrii nutu primò pendeat. Un-  
de Cardinalis Sfondratus docet, *nullam  
apud Deum inter Reprobos & Electos, inter  
Cain & Abel, inter Paulum & Judam  
distinctionem fuisse, sicque omnibus aquali-  
ter salutem optasse.*

Existimant duo illi autores, nullas  
Deo, licet omnipotenti, satis ex se ip-  
sis potentes suppeterè gratias, quibus ad  
obsequendum sibi homines inflectat, eo-  
rumque voluntatem infallibiliter simul &  
liberè inclinet. Contrà sancti Patres, ut  
superiorem vim exprimant omnipotentis  
voluntatis Dei, utuntur sanctus quidem  
Prosper his versibus:

*Nam*



*Nam si nemo usquam est, quem non* Carm. de Ingr. cap. 13.  
*velit esse redemptum;*

*Haud dubiè impletur quidquid vult sum-*  
*ma potestas.*

*His autem verbis S. Fulgentius: Om-* De Incarn. & gr. cap. 31.  
*nes quos Deus vult salvos fieri, sine du-*  
*bitatione salvantur.*

NOVIT, SANCTITAS VESTRA, quàm  
 facile sancti Patres, & post eos Theolo-  
 gi, concilient capitale illud dogma cum  
 eo textu Apostoli, quo dicitur Deus  
 velle omnes homines salvos fieri. Dam-  
 nantur tamen illæ propositiones, quam-  
 vis earum altera referatur in libro Consi-  
 derationum Moralium sub nomine S.  
 Prosperi. Atque ut illius censuræ æqui-  
 tatem statuatur P. Fontanius, in medium In prop. 13. n. 4. §. 7. 10.  
 adducit, tanquam doctrinam *Catholico-*  
*rum*, excogitatam à Molinâ voluntatem  
*Dei conditionatam*, cujus fructus scilicet à  
*conditione homini liberâ suspenditur.* An  
 poterat initum à novis autoribus confi-  
 lium peragi fidelius? Triumphant Mo-  
 lina & Sfondratus, sancti Patres damnan-  
 tur.

Nec minùs apertè circa Christi redemp- IX. Propositiones de Redemptione Christi.  
 tionem propositum sibi finem persequun-  
 tur. Hac de re sic statuit Tridentina  
 Synodus. *Et si Christus pro omnibus mor-*  
*tuus est, non omnes tamen mortis ejus be-*  
*neficia recipiunt, sed ii duntaxat, qui-*

34 *Epistola Septem Episcoporum Gallie*  
*bus meritum passionis ejus communicatur.*  
 Deflectunt ab hac doctrinâ Molinæ discipuli. Non illi satis habent, ut secundum Bullam Innocentii X. profiteamur, blasphemum esse, impium, & hæreticum dicere, Christum pro salute duntaxat Predestinatorum esse mortuum. Cum sit certum, ut ait Clerus Gallicanus, Christum mortuum esse etiam pro Reprobis, qui ipsius gratia resistunt. Ulteriùs progressi contendunt, gratiam, quam nobis Christus suo sanguine meruit, ità generaliter omnibus hominibus communicari, illiùsque gratiæ effectum sic pendere à nutu & potestate liberi arbitrii, ut hominis sit de victoriâ decernere: quasi jam non sit amplius Deo vincenti gloria & imperium.

Lettre à  
 la Reine  
 Anne  
 d'Autriche  
 1.  
 Sept.  
 1656.

Prop.  
 XXXII.

Litteræ  
 Pastoralis  
 Officii.

Oportet Bullæ autores sibi in animum obfirmatè induxerint, quocumque modo recenti favere systemati, qui, si quis doceat, Christum se morti tradidisse ad liberandum Electos in eum immisericorditer sæviant. Ista enim propositio, cùm excludendi vim non habeat, ipso tenore verborum, atque adeò eo sensu quo illam explicari jubet Clemens XI: dogma continet quod tam evidenter est ex fide, ut contradictoria propositio sit certè manifesta hæresis, scilicet, Christum se morti non tradidisse ad liberandum Electos.

Nec patitur Bullæ defensor ignorare

nos quem sibi verè finem in illâ censurâ proposuerint. Dignetur SANCTITAS VESTRA intueri quàm imperiosè in signum catholicæ professionis super eâ re exigit ut admittatur generalis gratia, *quâ adulti qui pereunt non fuerint destituti.* Videtur id propositum habere in animo, ut per suas omnes partes funditùs destruat grande mysterium divinæ prædestinationis. Cùm enim profundam illius altitudinem adorare deberet in discretionem parvulorum, in quâ præsertim illa elucet, hac etiam parte dat libero hominis arbitrio primam decidendi vim & potestatem, & novo ac temerario ausu, *parentibus sufficiens tribuit media, quibus parvuli cujuscumque salus valeat saltem precibus obtineri.* Ita; postquàm jus & auctoritatem discernendi se primitùs, quantum ad adultos pertinet, posuit in libero eorum arbitrio, idem juris & auctoritatis, quantum spectat ad infantes, in parentum arbitrio constituit. Nonne sic Molinæ & Sfondrati doctrina velut solemni Bullæ præconio consecratur, & novis insuper corruptelis inficitur?

Conflata ab iisdem contra veterem Patrum doctrinam conspiratio manifestè etiam apparet in iis quæ ad utriusque Legis discrimen pertinent. Quoniam, ex novi systematis doctrinâ, in omni sta-

In prop.  
33. p.  
709.

In propi.  
32. pag.  
676. n. 3.

X.  
Propositiones ad  
utrum-  
que for-  
mus perti-  
nentes.

tu gratia humanam voluntatem in æquilibrium constituit, nec sine illo gratiæ æquilibrium dici posset homo legis violatæ reus, crimini dant si quis doceat, paucis quibusdam exceptis, quibus singulari beneficio suam Deus gratiam indulserit, in hoc statu homines *fuisse suæ ipsorum infirmitati derelictos*. Quod si demonstretur eis secundum sanctum Augustinum, sanctum Thomam, aliósque sanctos Doctores, secutos hac in re sanctum Paulum, fuisse hoc in lege magnum mysterium, ideóque eam datam, ut *homo superbus humiliaretur, sibi ipse relictus, proprio experimento infirmitatem suam recognosceret* : reponunt illi scilicet, *divum Augustinum pluribus locis durius loqui de Lege veteri. . . . eúmque, vel nativo impetu animi, vel æstu disputationis abreptum, videri ad extrema declinare*.

S. Th. 1.  
2. q. 106.  
23.

Moraines Anti  
Janf.  
disp. 24.  
n. 44.  
P. An-  
nat. lib.  
6 cap. 2.  
P. 854.

Sic nempe, nec id obscurum, muniebant censuræ viam. Consequenter ergo damnantur hodie illi, ut putant, *excessus*, damnatis propositionibus quæ ipsis sancti Augustini, sancti Thomæ, & eminentissimorum Theologorum verbis expressæ sunt. Quid igitur tenendum erit in posterum, ut ab his sancti Augustini *excessibus* caveatur? Nullus jam dubio locus superest : id Bullæ defensor apertè declarat. Gratia Molinæ sufficiens,

da-

data omnibus generatim Judæis, *sine quâ* In prop.  
*ex contemptu legis rei non fuissent consti-* s. pag.  
*tuti*, erit in posterum doctrina Ecclesiæ: 135.  
 sanctorum verò Augustini & Thomæ  
 constantissima dogmata tanquam *excessus*  
 anathemate percussa proscribentur.

Expendat SANCTITAS VESTRA, an XI.  
 manere tranquilli possint Episcopi, dùm Proposi-  
 vident in quàm extremo discrimine ver- tiones  
 setur Evangelium gratiæ Dei. Tam vi- quibus  
 vis, tam egregiis passim apud Prophetas demon-  
 & Apostolos adumbrata coloribus gratiæ stratur  
 potentia, evanida jam & languens ad ni- quam  
 hilum recidit. Et est hîc aliud Molinif- vim ha-  
 mi artificium. Quicumque autem illius beat  
 doctrinæ principia sequitur, non debet Deus in  
 æquo animo pati, ut, quantum ad vim corda  
 & virtutem attinet, operatio, quæ homi-  
 secundum illos autores efficaciam suam nium; &  
 ducit à præviso voluntatis humanæ consen- quanto-  
 su, comparatur cum mirificis illis opera- pere  
 tionibus, quæ suam omnipotentia Dei Christo  
 efficacitatem debent. Et verò in homines  
 Congregatione de *Auxiliis*, omnes ex *Societate* indige-  
*Patres per diversas provincias dispersi*, ant.  
*declaratunt ore Vastide Jesuitarum causam*  
*agentis, non posse admitti à se articulum*  
*V. à Clemente VIII. propositum*, qui  
 postea his verbis conclusus definitusque  
 est: *Hæc gratia, nempe efficax, habet*  
*suam efficaciam ab omnipotentia Dei, & à*

Ex actis  
Congreg.

38 *Epistola Septem Episcoporum Gallie*  
*dominio quod summa divina Majestas ha-*  
*bet in voluntates hominum, SICUT in*  
*cetera omnia que sub cælo sunt, secundum*  
*sanctum Augustinum.*

Reprobat Bulla omnes istas compara-  
tiones, quamvis autor Considerationum  
Moralium fateatur summum esse discrimen  
inter agentia libera, & agentia ne-  
cessaria; quamvis agnoscat cum Triden-  
tinâ Synodo voluntatis liberam gratiæ  
cooperationem; quamvis doceat secun-  
dum Bullas Innocentii X. & Alexandri  
VII. hominem in statu naturæ lapsæ, à  
Deo motum & excitatum, posse resiste-  
re, si velit, gratiæ etiam potentissimæ,  
ut resistere potest etiam vehementioribus  
tentationibus; quamvis firmiter teneat ef-  
fe gratias interiores Christi, quibus ho-  
minum voluntas resistit: quamvis deni-  
que, si de illis propositionibus, ut æquum  
est, *ex tenore verborum* judicetur, tota vis  
comparationis manifestè incidat in *omni-*  
*potentiam gratia*, & in *ideam omnipotentis*  
*operationis quam Deus ipse de eâ nobis tra-*  
*didit*, minimèque adeo in concordiam  
gratiæ cum libero arbitrio. *Æquum non*  
*est*, inquiebat Clemens VIII. *cum doctri-*  
*na sancti Augustini multi Pontifices, prae-*  
*cessores nostri, tam acres fuerint assertores*  
*& vindices, ut quasi hereditario jure eam*  
*in Ecclesia relinqui voluerint, æquum non est*  
*ut*

Scrip-  
tum  
Clem.  
VIII. in  
Præfat.

ut patiar illam hac hereditate privari. Id  
aggrediuntur hodie, SANCTISSIME PA-  
TER. An hoc SANCTITAS VESTRA  
patietur?

Sine ullo pudore proscribunt sanctissi-  
mas magni illius Doctoris propositiones :  
reprobant in quolibet autore , quod san-  
ctus Augustinus in omnibus operibus suis  
docet, nempe *fidem esse primam gratiam*  
*quam à Deo accipimus.* Sicque illos ob-  
cœcavit effrænata cupiditas Patris illius  
doctrinam in omnibus ferè suis capitibus  
destruendi, ut non viderint hanc eandem  
locutionem adhibitam esse à Decessoribus  
tuis summis Pontificibus, à Synodo Tri-  
dentinâ, ab omnibus sine ullâ exceptione  
sanctis Doctoribus.

Prop.  
XXVI.  
XXVII.

Bonif. II.  
Ep. ad  
Cæsar.  
Arel.

Sed quid intentatum aut inausum esse  
potest iis, quibus certum fixumque est  
pro dogmate fidei in Ecclesiam protru-  
dere gratiam æquilibrii datam generaliter  
omnibus hominibus, unde ultero sequitur  
posse fieri ut numerosissimi populi atque  
etiam integræ gentes, sine fide Mediato-  
ris, sine cognitione JESU CHRISTI, si-  
ne præsidio Religionis Christianæ, non  
minùs ad veram justitiam & salutem æter-  
nam perveniant, quàm gentes illæ, quas  
Deus è tenebris in admirabile lumen E-  
vangelii transtulit, quasque in Ecclesiæ  
Catholicæ sinu sanctificat.

Fru-

Frustrà, SANCTISSIME PATER, quæ es animi perspicaciâ præditus, fucum illi facere tentabunt religioni tuæ, minutis, & sæpe admodum periculosis subtilitatibus. Per se ipsam judicabit SANCTITAS VESTRA sub oculis Dei, & incorrupto Religionis lumine, an dici posset tam vehementer, tam universaliter nobis omnibus opus esse Christo, si non liceat amplius Christiano exclamare ad Deum: *Quid aliud esse possumus, nisi tenebræ, nisi aberratio, nisi peccatum, sine Fidei lumine, sine CHRISTO, & sine caritate?*

Prop.  
XLVIII.

XII.  
Proposi-  
tiones  
quæ aliis  
materias  
spectant.

Plura fortasse ad te scribimus, SANCTISSIME PATER, quàm Epistolæ modus postulat, pauciora certè multò, quàm rei gravitas exigit. Quid enim his non posset adjici, si vellemus reliquas singulatim recensere propositiones de Gratiâ, de duobus Fœderibus, de potestate Clavium, deque aliis compluribus materiis: Si & scriptis Patris Viva (a), & opere Patris Desirant (b) ex jussione Clementis XI. composito, & testimonio eorum Bullæ defensorum qui vim illius & sensum accuratiùs norunt, & soli cum autoritate Romæ loquuntur, ostenderemus quantum illo Decreto roboris acquirant profanæ recentium temporum novitates: si denique in unum colligentes quæ Bullam illam præcesserunt, & quæ

a Tru-  
tina The-  
ologica  
Theſium  
Quæſnel-  
liarum  
tom. 2.  
b Au-  
gustinus  
vindica-  
tus con-  
tra 101.  
damna-  
tas Pasch.  
Quæſ.  
Proposit.

ean-



eandem consecuta sunt, fusè demonstra-  
verimus, ut id à nobis jam in memoria-  
li nostro præstitum est, ad nihil aliud  
valere hanc Bullam, quàm ut ad effectum  
perducantur inita à Patre Francolino ei-  
que adhærentibus, & exploratò constituta  
consilia penitus abolendi omnem anti-  
quitatis doctrinam; excutiendi è mani-  
bus *juniorum* Theologorum scripta *vete-*  
*rum*, quasi *ambigua multa, & periculo-*  
*sa; imò falsa continerent*; extinguendi  
gustum omnem solidæ eruditionis &  
veræ Theologiæ, nobisque sanctorum  
Patrum loco duces & Doctores substi-  
tuendi *Molinam, Lessium & Suarezium*,  
*quorum scripta nempe clariora & certiora*  
*sint, uberiores doctrinam contineant, &*  
quod valde observandum, *nostris usibus ma-*  
*gis accommodatam?*

Atque ita, SANCTISSIME PATER, Discrimen  
impugnata apertè Religio in suis dogma-  
tibus; Hierarchia in suis juribus; chris-  
tiana morum disciplina in eo quo tan-  
quàm basi & animâ nititur; deletæ fun-  
ditus Pœnitentiæ leges & regulæ; vete-  
ris & novi fœderis inducta confusio in  
eo capite, quo præsertim à se invicem  
distinguantur; omnipotentia Dei subje-  
cta libero hominis arbitrio, & ad ejus  
nutum suspensa; complures alii doctrinæ  
Christianæ articuli in summum discrimen  
ad-

Discrimen  
sum-  
mum in  
quo doc-  
trina Ec-  
clesiæ,  
Christia-  
na mo-  
rum  
scientia,  
discipli-  
næ leges  
versan-  
tur, facie  
ut tot  
homi-  
nes sibi  
potius  
quidvis

patien-  
dum du-  
cant,  
quàm ut  
accipiant  
Consti-  
tutio-  
nem.

E. Basil.  
Ep. 70.  
ad Episc.  
Gall. &  
Ital. & ad  
Papam.

42 *Epistola Septem Episcoporum Gallie*  
adducti, sacer Scripturæ & Traditionis  
sermo proscriptus: En, SANCTISSIME  
PATER, quæ sit nostrarum & causa &  
materies querelarum. At illæ ipsæ que-  
relæ nobis hodiè crimini dantur: Quin  
etiam unum jam crimen est, & quod se-  
verè puniatur, accurata scilicet paterna-  
rum Traditionum observatio. Ob id pa-  
triiis è sedibus abiguntur pii, & in solita-  
riis locis querere perfugium coguntur. Non  
jam homines moratur, aut veneranda se-  
nectutis canicies, aut assidua bonorum pie-  
tatis operum exercitatio, aut vite ad E-  
vangelii normam diligenter exacta equabi-  
lis & perpetuus tenor, sibi que semper cons-  
tans à primâ juventute ad ipsam usque se-  
nectutem: Dùmque sceleratorum nullus nisi  
ex judiciorum formulis & prescripto legum  
judicatur, etiam Episcopi calumnia unius  
interpositâ voce damnantur.... *Quæ verò*  
*indè consequantur, etiam si nos taceamus,*  
*nemini non perspecta: exilia Presbyterorum,*  
*exilia Diaconorum, totiùsque Cleri mise-*  
*randa vexatio. Necesse est enim vel ado-*  
*rare imaginem, vel sevientis persecutionis*  
*flamma tradi. Hinc populorum gemitus*  
*& plangor, juges lacrimæ, privatimque &*  
*publicè acerba omnium comploratio. Nemo*  
*enim ita ferreus & inhumans, ut, amif-*  
*so Patre, tam seivum orbitatis vulnus aquo*  
*animo ferat. Plangore & lamentatione om-*  
*nia*

nia personant, civitas, agri, via, solitudines. Una vox omnium, una comploratio: Ablatam esse omnem cordis lætitiā & exultationem, festosque dies in luctum conversos..... In maximo nostro dolore hoc tantum solatio utimur, quod non propter opes, non propter honores, non propter aliud quid ejusmodi rerum temporalium torpatimur mala; sed quoniam constanter dimicamus pro communi sanæ doctrinæ thesauro, pro pretiosa hereditate veritatis, pro sacro avitæ fidei Deposito. Lugere nobiscum ne dedigneris, o Tu, quem fratrum, quem filiorum amor tangit, SANCTISSIME PATER; diemque apud nos occluduntur piorum ora, & audaci blasphemantium lingue nihil non licet, liceat nobis per SANCTITATEM VESTRAM in caritatis tuæ sinu fidenter deponere sollicitudines nostras, gravissimūque dolorem, quem nobis inurunt inflictæ Ecclesiæ in suis Dogmatibus & Regulis vulnera. Utrumque in pari versatur periculo. Est enim ejusmodi totum hoc infelix negotium, ut dubitari possit magis-ne ipsius injustitiæ rei, an vitiosæ judicandi formæ laboret. Et certè par erat tam inusitatum in se & insolens Decretum, inusitatâ etiam & prorsus insolente viâ transigi. Quæ quidem inaudita hactenus contra normas juris omnes & præ-

44 *Epistola Septem Episcoporum Gallie*  
præscripta legum judicandi ratio si rata  
erit, pestiferum certè jam nunc toti Ec-  
clesiæ, & certam in ventura secula per-  
niciem trahens exemplum statuitur.

Consideret interim SANCTITAS  
VESTRÆ, (neque enim sine causâ id  
permisit, qui malis hominum benè uti-  
tur Deus) quàm illæ in omnibus ferè  
capitibus palam violatæ leges promptum  
& exploratum ipsi malo remedium sup-  
peditent, cùm totidem contra Bullam il-  
lam indicia & argumenta præbeant abusûs  
atque subreptionis. Facit summa æquitas  
tua, SANCTISSIME PATER, ut  
speremus non molestè laturam SANCTI-  
TATEM VESTRAM, si aliquot ex  
eis ante oculos tuos exponamus: cetera,  
quæ omitti à nobis Epistolæ brevitatis ju-  
bet, facillè pro insitâ mentis sagacitate ip-  
se perspicies.

XIII. Diuturnum passus carceris tetri horro-  
rem sanctus ille Cardinalis, cujus sangui-  
nis vox adhuc clamat ab extremis terræ  
finibus, recens animam, expirat pro  
defensione illius causæ, in quâ christia-  
nus orbis perspexit an sub ultimo Pon-  
tificatu, sanctæ Sedis, & ipsius Reli-  
gionis honos defensurus utcumque fuerit,  
meritisque pœnis coercita eorùm effrenata  
cupiditas & potentia, à quibus sic cor-  
rupta morum disciplina est, ut idolo-  
latriæ

Specta-  
tur Con-  
stitutio  
in sua  
Forma.  
Mani-  
festa a-  
busus &  
obrep-  
tionis  
indicia  
in eâ ra-  
tione  
qua De-  
cretum  
illudla-  
tum est.

latriæ praxes permetterent : cùm ecce ejusdem morum corruptelæ defensores alium Cardinalem non minore audaciâ aggre-  
diuntur , infensum pariter pravæ eorum doctrinæ , & claritudine Sedis suæ adhuc in Ecclesiâ eminentiorem.

Nonne ante omnia oportuit , si vel levissima illius Præsulis haberetur ratio , communicari cum illo universa capita , quæ reprehensione digna videbantur in eo opere , quod comprobat , præsertim cum illius operis delatores meritò suspectos tot eorum contra sanam doctrinam ejusque vindices temerarii ausus facere debuissent ?

At certè illius causæ gravitas necessariò exigebat , ut ad eam maturè pensandam Cardinalium coetus , aut etiam numerosius Concilium cogeretur.

Cùm de illo usu , tanquam de antiqua Ecclesiæ Romanæ consuetudine , loquuntur Concilia Generalia , commonstrant quàm sit christianæ Reipublicæ conveniens , ut juxta vetustum morem gravia & ardua negotia de Cardinalium consilio , directione , causâ quoque maturè cognitâ deinceps fiant , PRÆSERTIM CAUSARUM FIDEI DECISIONES. Multitudo delatarum propositionum , gravitas & pondus difficillimarum quæ sint in totâ Religione quæstionum , autoritas ejus operis quod

Conc.  
Basil.  
sess. 23.  
p. 562.

quod à tot annis maximo omnium plausu legebatur , iusta suspicionis ratio contra illius accusatores , ejusdem Approbatorum & Defensorum non spernenda sanè dignitas, excitanda procul dubio per totum christianum orbem tam temerario ausu discordiæ flamma , omnia denique evidenter demonstrabant quantò gravioris momenti negotium istud esset iis omnibus , quæ vulgò apud sanctam Sedem gravissima habentur , & propter quæ solet Cardinalium cœtus convocari.

Cur istæ regulæ , quæ in rebus longè levioris momenti nunquam omittuntur , in hac omnium gravissimâ prorsùs neglectæ sunt ? Cur repudiata , quæ solent ex mutuis inter se deliberantium colloctionibus existere , doctrinæ & consilii præsidia ? Cur in Cardinalis negotio , non convocatus Cardinalium cœtus ? Lucem nempe clarissimi conventûs fugiunt opera tenebrarum , nec amant nisi furtim & in tenebris tractari. Selecti octo aut novem Consultores , iique, S A N C T I S S I M E P A T E R , quâ selecti manu ! Unus ex eis , ob significatum veteris doctrinæ studium aliquod , ab illo concilio solerter ablegatus : Imò , ipsa illorum Consultorum suffragia pro nihilo prorsùs habita ; & damnata cum ceteris

Prop.

Prop. LXIII. (a) *quamvis dimittendam esse uti veram hanc propositionem Qualificatores omnes dixissent, uno tantum excepto, qui malè sonantem in terminis existimavit: Istud-ne ergo vocari potest canonicum sanctæ Sedis judicium? Istud-ne est maturum & prudens examen, quod totus orbis ab Ecclesiâ Romanâ expectat, cum ad illius tribunal negotium aliquod deferretur? Obtestamur SANCTITATEM VESTRAM, ut judicet an Romanæ Curix inter sit, ratam haberi ejusmodi formam judiciorum de rebus in fide gravissimis, quæ patentem aperit fraudi, & artificio, & calumniæ viam.*

Quàm illa, SANCTISSIME PATER, constantibus Ecclesiæ Romanæ regulis ac principiis adversatur! Jam à primis temporibus Ecclesiæ, verendus & illustris Clerus ille nihil vehementius præcipiebat, quàm ut *in tractandis gravibus negotiis collatio consiliorum fieret cum Episcopis, Presbyteris, Diaconis...* Perquàm invidiosum illi & onerosum videbatur, non per multos examinari quod ad multos pertinebat, & unum sententiam dicere, cum res multos, imò & omnes spectaret:

Ep. Cleri  
Rom. ad  
S. Cy-  
prium.

*Quo-*

(a) Prop. LXIII. Baptisatus adhuc est sub Lege, sicut Judæus, si Legem non adimpleat, aut adimpleat ex solo timore.

*Quoniam* inquiebat, (& hæc verba procul dubio. SANCTITAS VESTRA diligentissimè pensabit) *firmum Decretum non potest esse, quod non plurimorum videbitur habuisse consensum.*

Rubeus  
in vitâ  
Bonifacii  
VIII.

Et verò videmus supremos Pontifices secutis deinde seculis palam professos, ea se demum *Decreta Prædecessorum suorum confirmaturos, quæ ipsi synodaliter statuissent, & probata essent; nec ulla se unquam edituros, nisi consilio & directione Cardinalium.*

Anast.  
Bibliot.  
In vitâ  
Anastasio  
Papæ.

Quot Decreta ob neglectam hancce regulam fuerunt infirmata? Anno circiter 498. *Multi Clerici & Presbyteri se à communione Anastasio Papæ ejecerunt, eo quòd communicasset SINE CONSILIO Episcoporum, vel Presbyterorum; vel Clericunctæ Ecclesiæ Catholicæ, Diacono Thessalonicensi nomine Photino.*

Lib.  
Cont. In  
vitâ Co-  
nonis a.  
686.

Septimo seculo reclamatum est contra Papam Cononem, quòd statuisset aliquid *ultra consuetudinem, absque consensu Cleri, ex immissione maiorum hominum.*

Conc.  
t. 10. p.  
762.

Ipsi Papæ, ut Paschalis II. agnoverunt irrita & nulla haberi oportere, *quæ sine Fratrum consilio fecissent.* Plurimum Bonifacii VIII. Constitutionum suspendit effectum Benedictus XI. *quia de Fratrum consilio statuta illa non edidisset.*

Atque ut recentibus tantum exemplis  
uta-



utatur, in negotio pertinente ad Tribunal Monarchiæ Siciliensis, gravissimo illo quidem, minimè tamen cum præfenti causâ Constitutionis comparando, vidit SANCTITAS VESTRA publicatum Romæ, & solitis affixum locis primum Decretum, cujus hîc asservatur exemplar, idemque paulò post subductum è publico ob id formæ vitium, ut aliud in ejus locum substitueretur.

Id expressè definiunt celeberrimi Theologi & peritissimi Canonistæ, ut nos docet Cardinalis de Cusa referendo *sententiam aliorum*: apud quos, inquit, *ultima resolutio est, quòd in tangentibus universalem Ecclesiam verum est Papam sine Cardinalibus nihil posse.* Hoc principium statuit Cardinalis de Cusa velut *jus antiquum*, & ejus æquitatem aptâ admodum ac perspicuâ similitudine demonstrat. Si enim (*hoc est argumentum quod ipse à simili adducit*) si Episcopus bona temporalia suæ Ecclesiæ nec donare, nec alienare, nec permutare potest sine consensu & subscriptione sui Cleri, à fortiore Papa non potest inconsultis Cardinalibus movere quidquam in iis quæ spectant sanctas Canonum regulas, quæ sunt *inter præcipuas res Ecclesiæ*. Denique idem autor addit, *in gestis Gregorii Papæ VII. sic legi. Est privilegium Romana Sedis, semper assistere*

DeConc.  
Cath. lib.  
2. cap. 21.  
p. 71.

50 *Epistola Septem Episcoporum Gallie*  
*stere per Cardinales Presbyteros & Diaconos*  
*ipsi summo Pontifici, vel Vicario ipsius Sedis,*  
*id est ei quem ipsa Sedes sacrosancta os ejus*  
*facit, per quem & cum quo predicat, per*  
*quem Sacramenta administrat, per quem*  
*& cum quo firmanda confirmat, & impro-*  
*banda improbat: QUA NON SUB-*  
*SCRIBENTE, INVALIDA EST*  
*SUMMI PONTIFICIS SENTEN-*  
*TIA. Hec ibi. Ecce quomodo, inquit*  
*Cardinalis de Cusa, id vehementer ob-*  
*servandum innuens: ecce quomodo ab an-*  
*tiquo irrita fuit Romani Pontificis sententia*  
*absque Cardinalium subscriptione, & quod*  
*Papa Sedis Apostolica os tantum fuit.*

Summa  
 de Ec-  
 clesial.  
 2. C. 112.

Ut Decretum aliquod habeatur cano-  
 nica Sedis Apostolicæ sanctio, conditiones  
 habeat necesse est illius tam augusti nomi-  
 nis dignitati congruentes. Cardinalis de  
*Turre-Cremata*, quamvis à Cleri Galli-  
 cani doctrinâ dissentiat, Apostolicæ Se-  
 dis sanctionem declarat eam tantum de-  
 bere intelligi, *que maturo & gravi viro-*  
*rum sapientum, & maxime Dominorum*  
*Cardinalium, primo concilio digesta & ma-*  
*turata sancitur & profertur: Idemque in-*  
*ter Apostolicæ Sedis sanctiones recenseri*  
*vetat eas, que occultè, malitiosè, aut in-*  
*consultè, per solum Romanum Pontificem,*  
*aut etiam per ipsum cum paucis sibi faventi-*  
*bus,*

bus, aliis in fraudem contemptis, sive non vocatis ad partem, proferuntur.

Hæ voces ultimæ vivam & expressam temporum nostrorum imaginem heu! nimium veris coloribus adumbrant: cujus utinam, SANCTISSIME PATER, germanam cum Constitutione *Unigenitus* similitudinem sineret veritatis amor à nobis dissimulari! Est ille primus abusus, primùmque in formâ illius Decreti vitium. Palam contraventum est sanctissimis, & maximè inviolatis, Sedis Apostolicæ institutis ac legibus.

Non patitur nobilis iste candor probitatis & æquitatis, quem in sentiendo pariter & agendo præ se fert ubique VESTRA SANCTITAS, longiùs commorari nos in demonstrandâ eâ veritate, quam ipsa Religio longè altius infixit pectori tuo, quàm id possit unquam ulla vis verborum assequi, scilicet nefas esse quemquam indictâ causâ damnari.

XIV:  
Mani-  
festa ab-  
usus &  
obrep-  
tionis  
indicia,  
ex eo  
quòd au-  
thor  
nunquam  
impetra-  
re po-  
tuit ut  
in sua  
causa  
audire-  
tur.

Hanc haberi sacram & inviolatam legem apud sanctæ Sedis tribunal qui revocare in dubium velit, contendat idem oportet, SANCTISSIME PATER, Romanam Ecclesiam, cujus præcipua dos justitia & caritas, cedere vel ipsis sæculi Tribunalibus in observando ejusmodi officio, quod violari, nisi ex-

tincto prorsus omni naturæ sensu , non potest.

Unum igitur superest , quod Bullæ fautores respondere possint , Decreto illo librum , non illius Autorem damnari. At cuinam id se persuasuros sperant ? Nonne aperta res est ? Quem non , si esset paulò æquior , Bullæ præfatio offendit ? In eâ depingitur Moralium Considerationum Autor atrocissimis quibusque coloribus , adeò ut etiam inter filios Diaboli recensetur. Et verò , relictis illius maximè arcanis sensibus , diabolica prorsus consilia illi attribuuntur. *Splendidâ scilicet pietatis imagine nequiter abutitur , ut prava dogmata latenter insinuet : Molliti sunt quidem sermones ejus super oleum , sed ipsi sunt jacula , & quidem INTENTO ARCU ITA AD NOCENDUM PARATA , ut sagittent in obscuro rectos corde.* Post exscriptas ejus propositiones , & inustam iis censuræ notam , iterùm Bulla in Autorem redit , verbisque expressis , quo nihil horribilius est , declarat *sacrum ipsum novi Testamenti textum , damnabiliter ob eo vitiatum , plurièque in alienos , exoticos , ac sæpe noxios sensus , NON SINE MAXIMA PERVERSIONE detortum.*

An quis unquam scriptor talibus fuit verborum contumeliis laceratus ? Effet ille,

ille, qualem iudices morte plectunt, sceleratus; Effet, ut Lutherus, hæreseon fabricator & parens: postulabant tamen divinæ pariter & humanæ leges, ut ante omnia citaretur. Quid non tentavit summus Pontifex Leo X. ut blandis paternæ caritatis *invitationibus* hunc Hæresiarcham in sinum Ecclesiæ matris revocaret? Hic autor ipse festinat ire, obviam, supplicat, obtestatur, urget, ad pedes Clementis XI. provolvitur: nec potest tamen aut nosse crimen, aut vitare censuram. Frustra se, suasque propositiones scriptis tuetur: frustra eas explicat, & ab omni labe defendit: frustra reclamat contra perniciosos errores, & scelerata etiam consilia, quæ ipsi malignus livor & invercunda calumnia, contra veros animi sensus, affingit: frustra ante & post iudicium nihil non tentat, ut secum ~~joc~~ agatur: Surdis loquitur. Hic planè inverso rerum ordine, audire iudex timet, dum reus nihil aliud quam audiri efflagitat. Denique ad extremum usque momentum suam tutatus innocentiam autor, in sinu Ecclesiæ Catholicæ expirat, postulans à Deo ut velint tantum modo, à quibus sua fama laceratur, causam ipsam cognoscere. Vellet-ne Ecclesia Romana tam abnorme iudicium suo com-

34 *Epistola Septem Episcoporum Gallie*  
probare calculo ? Id nec Roma Ethnica  
tulisset.

XV. Undique, SANCTISSIME PA-  
TER, manifesta obreptionis signa pro-  
deunt : sed ea maximè in ipsâ rei ad  
Clementem XI. expositione apparent.  
Probavimus autem in nostro Memoriali  
sufficere id ex ipsis, quas summi Ponti-  
fices constituerunt, regulis, ut Con-  
stitutio subrepticium Decretum habeatur.

Inpo. III. Percelebre caput *super Litteras de*  
*Rescriptis summorum Pontificum*, docet  
nos haberi ea tanquam obrepticia &  
subrepticia oportere, quando *tacita veri-*  
*tas est, vel suggesta falsitas....* Hoc ibi  
generale principium statuitur : *Qui per*  
*fraudem, vel malitiam falsitatem expri-*  
*muunt, vel supprimunt veritatem, in sua*  
*perversitatis poenam, nullum ex illis litteris*  
*commodum consequantur, ita videlicet quòd*  
*Delegatus, postquam sibi super hoc facta*  
*fuert fides, nullatenus de causâ cognoscat.*  
Eo lubentius, SANCTISSIME PA-  
TER, verbis istis utimur, quòd ea  
SANCTITATI VESTRÆ quodam-  
modo hæreditaria videri possint : sunt  
enim illius Pontificis, cujus ut nomen  
geris, sic etiam te animos ac sensus habi-  
tuum confidimus.

An autem fuit unquam, SANCTIS-  
SIME

SIME PATER, fraudulentior ulla expositio, quàm ea, quâ Constitutio *Unigenitus* nititur? Conversæ minùs fideliter è Gallico idiomate in latinum propositiones: Truncatæ aliæ: Exscriptæ plures infideli manu, & in alium detortæ sensum: Nulla usquam habita ratio mutationum quas fieri in hoc libro placuerat, ut consuleretur delicatæ Lectorum aliquot religioni, atque ipsa etiam, si fieri potest, adversariorum invidia sedaretur.

Nonne expositionis falsitas manifestè apparet in Prop. XVII. *Quicumque ad eum* (Christum) *non venit, postquam audivit vocem exteriorum Filii*, NULLA-TENUS est *doctus à Patre*? Cum enim illa propositio apud P. Quesnellum, ubi sic habetur, *non est doctus à Patre*, omninò congruat cum sancti Augustini sententiâ, & cum ipsis Christi verbis quæ ibi explicantur, infidâ versione traducitur in alium prorsùs sensum: Ita ut eadem propositio, quæ in sensu P. Quesnelli, secundùm Scripturam & sanctos Patres, excludit tantùm illam docendi rationem, quâ cœlestis Pater loquitur ad cor illud victrici gratiâ efficiendo docile; ex mente Interpretis excludat alias omnes, quibus uti potest cœlestis Pater, docendi rationes.

Apparet ejusdem expositionis falsitas

Degr.  
Ch. c.  
14 15.  
& de  
præd.  
S. S. c 8.

56 *Epistola Septem Episcoporum Gallia*  
 in Prop. XXII. (a) Si hanc in ipso textu, unde exscripta est, consideres, evidenter patet, non in ipsâ præcisè unionè hypostaticâ ab autore poni concordiam gratiæ cum libero arbitrio, sed in unâ è præcipuis circumstantiis, quæ mysterium illud comitantur. Sensus enim verborum illius est, quemadmodum postulavit Deus consensum beatæ Virginis cùm impleret in eâ ineffabile mysterium Incarnationis, ita in operibus salutis postulare eundem ab hominis voluntate, ut suæ in eam operationi liberè consentiat, quamvis det ipse quod postulat, operando in nobis & velle, & ipsum perficere. Vellet-ne Ecclesia Romana eam doctrinam proscribere, quâ divinæ gratiæ jura cum humanæ libertatis potestate tam perfectè conciliantur?

Adhuc manifestiùs apparet ista falsitas in Propositione centesima. Continet illa considerationem in hæc Evangelii verba : *Absque Synagogis facient vos : sed venit hora ut omnis qui interficit vos, arbitri-*

(a) Prop. XXII. L'accord de l'opération toute-puissante de Dieu dans le cœur de l'homme, avec le libre consentement de sa volonté, nous est montré d'abord dans l'Incarnation, comme dans la source & le modèle de toutes les autres opérations de miséricorde & de grâce, toutes aussi gratuites, & aussi dépendantes de Dieu, que cette opération originale.



būretur obsequium se præstare Deo. *Tempus deplorabile*, inquit P. Quesnellus, quo creditur honorari Deus, persequendo Veritatem, ejusque Discipulos. TEMPUS HOC ADVENIT. Propositionum Exscriptor hīc hæret: at Pater Quesnellus adjecerat, *nec nisi cum ipso mundo desinet. Non debet etiam nisi cum vitâ desinere patientia. Speramus semper humiliandam esse impietatem, triumphaturam verò innocentiam: fallimur. TEMPUS TOTO SUO TRACTU EST HORA MUNDI: hora Christianorum est aternitas. Supprimuntur omnia hæc verba, ut confletur propositio ex iis tantum verbis quæ prima retulimus, & ex his posterioribus: *Ha-beri & tractari à Religionis Ministris tanquam impium, & indignum omni commercio cum Deo, tanquam membrum putridum, capax corrumpendi omnia in societate Sanctorum, est hominibus piis morte corporis mors terribilior. Quàm injusta & atrox videri debet, SANCTISSIME PATER, ista agendi ratio! Ut excitetur invidia contra autorem, & in eum Potestates armentur, perfidiosè truncantur verba illius, & ad nostram ætatem restringitur tempus illud, quod ex mente autoris, & in ipsos Evangelii textu, venisse jam intelligitur ab ipso Apostolorum seculo, nec nisi cum mundo desinet. Si non inest huic**

58 *Epistola Septem Episcoporum Gallie*  
 expositioni falsitas, ubinam poterit ulla  
 reperiri? Hâc tamen falsitatum plenâ ex-  
 positione tanquam fundamento Bulla ni-  
 titur. Complures nos alias illius exposi-  
 tionis falsitates recensere possemus, nisi  
 timeremus, producendo longiùs episto-  
 lam, SANCTITATIS VESTRÆ patientiâ  
 abuti.

Si ergo, ex ipsis Romanæ Ecclesiæ  
 præscriptis, Decretum omne nixum ejus-  
 modi expositione ubi expressa falsitas est,  
 & suppressa veritas, obrepticium & sub-  
 repticum videri oportet, ita ut nullam  
 illius rationem habere debeat Delegatus;  
*ubi de facto constat*: An vellet SANCTI-  
 TAS VESTRA, cùm nunc luce clariùs  
 pateat expositionem, quâ Bulla nititur,  
 tot & tam manifestis scaterere falsitatibus,  
 talis Decreti auctoritatem contra sanctis-  
 simas Sedis Apostolicæ leges tueri?

(\*) Matt.  
 20. 22.  
 XVI.

Plura alia  
 abusus,  
 nullitatis,  
 & obre-  
 ptionis  
 indicia,  
 in ea  
 ratione,  
 qua ac-  
 tum est  
 Romæ  
 cum E-  
 piscopis,  
 & Facul-  
 tatibus  
 Theolo-

Omnem vitandi fraudem expedita ra-  
 tio erat, si statim disceptata fuisset causa  
 in eo loco; ubi nata est: An nostrates  
 Episcopi, peritiores certè Gallici idio-  
 matis, quàm esse possint aliquot Censo-  
 res Romani, vitiata judicassent, exem-  
 pli gratiâ, versione P. Quesnelli *sacris*  
*textus* veritatem in his locis: *Pourvez-vous*  
*boire le Calice que je DOIS boire?* (Potestis  
 bibere Calicem, quem ego bibiturus sum?)  
 (\*) *Je vous dis en verité que l'un de vous*  
*me*

me DOIT trahir. Amen dico vobis quia <sup>giæ; in-</sup>  
 unus vestrûm me traditurus est: (b) Hæc <sup>que variis</sup>  
 tamen jussu Clementis XI. & cum ap- <sup>decretis,</sup>  
 probatione Consultorum affert exempla <sup>brevibus</sup>  
 P. Fontanius, vitiati falsâ versione tex- <sup>& Litteris</sup>  
 tûs sacri: quasi hæc verba gallica, JE <sup>mentis</sup>  
 DOIS: ME DOIT: fatalem in Christo <sup>XI.</sup>  
 necessitatem inducerent, vergerentque ad <sup>(b) c. 26.</sup>  
 errorem Calvini facientis Deum autorem <sup>21.</sup>  
 proditoris: Satis-ne intelligunt quâ dede- <sup>Prole-</sup>  
 coris maculâ aspergant sanctæ Sedis glo- <sup>gom. p.</sup>  
 riam, qui tueri utcumque volunt istius- <sup>91.</sup>  
 modi Decretum, quod tam falsâ & tam  
 ridiculâ expositione nititur? Quale enim  
 judicium de illo ferre possunt quicumque  
 vel prima linguæ gallicæ elementa no-  
 runt?

Cur non in tanti momenti negotio  
 servatus ordo ille est, quem Decessores  
 tui præscripserunt super examine causa- <sup>S. Leon.</sup>  
 rum ecclesiasticarum? Si habitus fuisset <sup>Ep. 88.</sup>  
 in ipsâ Galliâ cœtus canonicus, locus  
 non fuisset aut perversæ versioni, aut frau-  
 dulentæ vocum aliquot mutationi, aut  
 parum accuratæ in ipsis exscribendis fidei.  
 Facile dignosci potuisset, & quis verus  
 erat sensus libri illius qui in manibus om-  
 nium versabatur; & quem fructum illius  
 lectio per tot annos attulerat; & quâ  
 mente, quo consilio illius censura tam  
 vehementer efflagitabatur. Quânto autem

60 *Epistola Septem Episcoporum Gallie*  
præstantius eminet Sedis Apostolicæ celsitudo & autoritas supra unamquamque singulatim reliquarum Ecclesiarum, cum judicata res primùm in ipsis locis, sanctæ Sedis postea suffragio comprobatur?

At de illâ re nec judicari in Galliâ ab Episcopis placuit, nec ullo in ipsis locis prævio examine inquiri. Et verò quænam in illius disceptatione negotii habita est ratio Episcoporum? Cùm eos, ut sunt, Fratrum loco summi Pontifices (a) antiquitus haberent, eorum honori, ut suo, consulebant. At ex quo prodiit in lucem Constitutio, quid non tentatum ut eorum prorsus vilesceret dignitas? Nunquam iniustæ Episcopali nomini tales ignominie & dedecoris notæ. Ne vel quidem ut audirentur impetrare Episcopi potuerunt in ejusmodi causâ, in quâ tui Decessores eos invitant ultro ut ad sanctam Sedem confugiant.

Habet-ne ergo plus autoritatis Constitutio *Unigenitus*, quàm dogmatica Tridentinæ Synodi judicia? Offert tamen ultro illa Synodus, si qua difficultas super decretis suis oborta fuerit, necessariam ad id *declarationem*, hortaturque Romanum Pontificem ut ad id, si opus fuerit, Generale etiam Concilium con-

VO-

(a) Meus honor est Fratrum solidus vigor,  
*S. Greg. lib. 8. Epist. 30. ad Eulog. Alex.*

Seff. 25.  
e. ult.

vocat. An illud vel hæreticis, si id postularent, denegaretur? Utinam vellent illi tandem audire vocem Ecclesiæ, ut ad id eos *invitat* Tridentina Synodus! Brevi doctrinæ illius splendor, veritatisque lux, animos eorum pervaderet: brevi salubrem & amicam vocem Pastorum discernere à dolosis incantationibus alienorum, qui omni mendaciorum genere ipsos in fraudem impulerunt. Quàm nunc mutata rerum facies, SANCTISSIME PATER! Denegatur id Episcopis, quod sponte ipsis offert hæreticis Ecclesia. Intererat fabricatorum Bullæ sic agi: & eorum studiis toto hoc in negotio obtemperatum est. Suæ sibi conscia infirmitatis novitas lucem timet, neque aliud potest habere perfugium subrepticii Decreti fraus, quàm si indicem suæ falsitatis qualemcumque vocem omni prorsus ratione opprimat.

Non tamen victa his prioribus repulsis Episcoporum patientia est. In eâ constanter pluribus annis perseveraverunt. Non destiterunt idem à supremo Pontifice iterum vehementissimis precibus efflagitare. Accessit etiam eorum postulationi regia autoritas. At & Regis legato, & Episcoporum voci occlusus omnis semper fuit ad Pontificem aditus. An simile quid unquam antehac contigit? Qualem

62 *Epistola Septem Episcoporum Gallie*  
lem oportet esse Bullam *Unigenitus*, quæ  
non potest nisi tali defendi viâ?

Ultrâ processum est, SANCTISSIME  
PATER: nec possumus dissimulare  
SANCTITATI VESTRÆ tam im-  
pune violatas hoc in negotio divinas pari-  
ter & humanas leges. Nemo damnatus  
unquam apud ullum tribunal reus, nisi  
citatus antè ad dicendam causam fuerit:  
hîc sola, etiam Episcoporum, ut audi-  
rentur, postulatio, damnationis ansam  
tribuit. Verat Christus distringi excom-  
municationis gladium, nisi in eos qui  
audire Ecclesiam recusaverint: distrinxit  
hunc Clemens XI. in ipsos etiam Epif-  
copos, quia in Ecclesiæ matris sinum  
confugerunt.

Non sinum breviores Epistolæ limi-  
tes, singulatim à nobis SANCTITATE  
V E S T R Æ exponi quot vitiis & nullita-  
tibus scateant tot Decreta, Brevia, E-  
pistolæ, quæ aliæ aliis in hoc negotio  
successerunt; in quibus primùm repro-  
batur postulatio Episcoporum, deinde  
in eos nulla non ingeruntur convicia,  
denique separantur à caritate sanctæ Se-  
dis non solum ii qui ad Concilium Ge-  
nerale appellarant, adversus quos non si-  
nebat ipsa eorum appellatio quidquam  
pronuntiari; sed illi etiam qui Explica-  
tiones tantum ab eo postulabant.

Cum

Cùm longè nobis acutiùs pervideat SANCTITAS VESTRA, quæ ad veram sanctæ Sedis gloriam pertinent, faciliè intelligit quàm parum idonea forent judicia ejusmodi, si non obrepticia declararentur, ad reducendas in centrum ecclesiasticæ unitatis Societates, quas ab eâ divulsit error; ad nutriendum in Fidelium animis sanctum illum quo piè nunc flagrant ardorem confugiendi ad primam Ecclesiæ Sedem; ad tuendam denique, & magis in dies augendam sanctæ Sedis reverentiam.

Sic contumeliosè habitis à Romano Pontifice Episcopis, expectandum non erat ut mitiùs ageretur cum Doctoribus. Princeps & illustrissima omnium orbis christiani Facultatum, unde à tot seculis prodierunt clarissimi quique Theologiæ Magistri; percelebris illa Parisiensis Schola, quam hætenus supremi Pontifices summis certatim laudibus cumularant, sub Clementis XI. Pontificatu cœpta inauditis modis vexari. Fatendum est adversantis Constitutioni *Unigenitus* Facultatis Theologiæ Parisiensis nomen per omnes personuisse terras, ejusque sententiam gravissimum fuisse contra Bullam præjudicium: at licebat-ne adversus illam æquitatis leges, quas ipsa præscribit natura, violare? Censuerat Facultas illa delendum esse

64 *Epistola Septem Episcoporum Gallia*  
esse è suis commentariis Bullæ favens  
Decretum, quod in eos per vim & fal-  
sitate intrusum fuerat. Hoc uno no-  
mine Sorbonicos Doctores Clemens XI.  
probris afficit *ut homines reprobos, inquietos, turbulentos, ut filios delirantes, filios desertores*: Eorum privilegia suspendit: vetat quemquam ad Doctoratus gradum e-  
vehi: idque non citatis Doctoribus, non auditis iis, non actâ ex legibus ullâ in-  
quisitione ad explorandam rei veritatem, quæ melius Sorbonæ, quàm Romæ nota esse debuit, si quidem sub oculis Doctorum, in eorum comitiis, ipsis illorum suffragiis transacta est.

Breve  
datum  
18. nov.  
1716.

At tot deplorandarum injuriarum, SANCTISSIME PATER, adhuc magis deploranda origo & causa est. Novit totus Orbis quàm non obscuro partium studio ductus Clemens XI. apertè faverit novæ doctrinæ, & laxioris morum disciplinæ defensoribus: diuturnumque Ecclesiæ dolorem reliquisset illius Pontificis regimen, quem ipsum regebat præpotens Societas, unde nunquam animo divelli potuit; nisi promptum & præsens sanandis tot vulneribus remedium allatura esset acri veritatis studio succensa pietas & prudentia illius Pontificis, quem divina Providentia bonorum omnium votis concessit.

Quanto totius Ecclesiæ scandalo, SANCTIS-

TIS-



TISSIME PATER, ( & id dolenter magis, quàm contumeliosè referimus ) quanto totius Ecclesiæ scandalo contigit, ut quicumque tuendæ veteris doctrinæ studium aliquod præ se ferret, sub ultimo Pontificatu acerbissimè vexatus fuerit, dum qui monstrosissimas opiniones, atque etiam idololatriæ praxes palam tuebantur, honore & gratiâ flourerent; ut tot SS. Patrum propositiones anathemate perculsæ fuerint, dum illæsa steterunt pravorum Casuistarum atrocissima quæque dogmata; ut compluris ad tuendam veritatem compositis operibus inusta fuerit contumeliosa censuræ nota, dum tot scripta pestifero novitatis veneno infecta, aut tacito permissu liberrimè venierunt, aut etiam publico Clementis XI. jussu typis impressa, & in lucem edita prodierunt.

Tacere non possumus, præter alias horrendas adeo qualificaciones, inustam hæreseos notam ejusmodi Instrumento, quod nihil, nisi constantissima fidei & morum dogmata continet, quod quidem nos ad utrorumque defensionem conjunctim cum Theologicâ Facultate Parisiensi confecimus. Secuti SS. Patrum regulam, scripto denunciandum esse duximus Romanis Censoribus, ut expressè declararent in quo sita esset illa hæresis. At silentio illi suo, ut prodiderunt suam respondendi inopiam,

fic

Agg  
d' Appel  
du 1.  
Mars.  
1717.

66 *Epistola Septem Episcoporum Gallie*  
sic majorem ab eorum consiliis timendi  
causam nobis præbuerunt.

En etiam, SANCTISSIME PA-  
TER, quod lugendum ipsi Clementi non  
minùs quàm nobis est, damnatum audi-  
mus Catechismum Montispeffulensis Ec-  
clesiæ, de quo id unum dicemus, acerbis-  
simum dolorem bonis omnibus afferre  
scandalosam ejusmodi damnationem, quæ  
ceteris omnibus cumulum adjiciens, hoc  
velut extremo actu Clementis XI. Pon-  
tificatum concludit.

In hoc tam luctuoso statu rerum, co-  
nati sumus Episcopalem constantiam con-  
dere leni temperamento christianæ carita-  
tis & prudentiæ. Tentârunt divellere  
nos à communione Sanctæ Sedis: firmiùs  
inde & constantiùs unitatis ecclesiasticæ  
centro ipsi nos adjunximus. Maledicta  
& probra in nos injecerunt; nihil nisi  
verba pacis & lenitatis reposuimus. Ex-  
citata in nos temporalium Potestatum ira  
& indignatio; non desimus commissis fi-  
dei nostræ populis magis ac magis in dies  
debitæ secundum sanctos canones Roma-  
no Pontifici reverentiæ sensus inspirare.

Nunquam nobis venit in mentem pos-  
se ejusmodi negotium, ad omnem pror-  
sus ecclesiam pertinens, nostrâ autoritate  
componi: Imò nequidem ab aliquot se-  
paratim Episcopis tam urgenti malo re-

me-

Carhe-  
chisme  
de Mont-  
pellier  
mis à  
l'Index  
par un  
Decret  
du 1.  
Fevr.  
1721.  
XVII.  
Agendi  
ratio E-  
piscopo-  
rum ap-  
pellan-  
tium,  
compa-  
rata cum  
ea agendi  
ratione,  
quæ erga  
illos ad-  
hibita  
est: item  
cum ea  
qua usi  
sunt ac-  
ceptantes  
Galliæ  
Episcopi.  
In eo  
conve-  
niunt  
utrique,  
quod ca-  
pitalia in  
Constitu-  
tione vi-  
tia repe-  
riunt.

medium efficax afferri posse existimavimus. Sed postquam frustra tentavimus offusas animo Clementis XI. nebulas discutere, eam demùm amplexi, quam ipse Christus in Evangelio monstrat, viam, postulamus ut illam controversiam Ecclesia dijudicet.

Diversum iter secuti sunt complures Galliae Episcopi; at licet alii Decretum illud, adjunctis ei suis Explicationibus suscipiant, alii ab eodem ad Generale Concilium appellent, disjuncti maximè à se invicem tam diversâ agendi ratione, penitusque dissidentes, in hoc tamen mirificè congruunt, quòd omnes vitia Constitutionis aperiant. Quòd si, pro suâ ingenii sagacitate & prudentiâ, rimari velit SANCTITAS VESTRA, & diligentius explorare verum hujus controversiæ statum, facilè procul dubio intelliget, nedum communibus sit apud nos omnium suffragiis Decretum illud acceptum, ut falsò defensores Bullæ jactitant, ei revera Ecclesiam Galliae penè universam contradicere.

Cùm verbi gratia, accepturi censuram illius propositionis, **LECTIO SCRIPTURÆ SACRÆ EST PRO OMNIBUS,**

Episcopi docent *illam à Spiritu sancto in ipsis sacris libris commendari, in id semper sanctos Patres incubuisse, ut lectionis illius gustum*

Prop.

LXXX.

Explica-

tions sur

la Bulle

pag. 46.

&amp;c 47.

68 *Epistola Septem Episcoporum Gallie*  
*studium & studium apud Fideles excitarent ;*  
*custodem & interpretem scripturarum Eccle-*  
*siam longè ab hoc consilio abesse , ut occul-*  
*tum hodie velit suis filiis cœlestem hunc The-*  
*saurum : nunquam hanc passuram ut studio*  
*& ardore legendi sacros codices separatis à se*  
*Societatibus inferior videri possit : evidenter*  
*patet statui ab illis Episcopis doctrinam*  
*Quesnellianæ propositioni prorsus con-*  
*gruentem , atque adeò censuræ ejusdem*  
*planè contrariam.*

Cùm iidem accepturi censuram illius  
propositionis, ERIPERE SIMPLICI PO-  
Prop. PULO, HOC SOLATIUM, JUNGENDI  
LXXXVI. VOCEM SUAM VOXI TOTIUS EC-  
CLESIAE, EST USUS CONTRARIUS  
PRAXI APOSTOLICÆ, ET INTENTIO-  
NI DEI, defendunt ac probant multis  
sanctorum utriusque Ecclesie Doctorum testi-  
moniis, à primis usque temporibus solitum  
in ipsâ etiam Liturgiæ celebratione populum  
jungere vocem suam voci totius Cleri, ut id  
etiamnum hodie facit, sive sacerdotibus  
respondens, sive cum iisdem canitans, in  
eâ parte Missæ quæ canit solet, semperque  
probatum iri ab Ecclesiâ praxim tam anti-  
quam, tam sanctam, tam legitimam, cu-  
jus institutio ipsis videtur Apostolis coeva :  
manifestum est ipsam expressis verbis P.  
Quesnelli propositionem ab iis defendi,

at-

atque adeò illius censuram ab iisdem aperte improbari.

Cùm item ad suscribendum damnationi illius propositionis, ECCLESIA AUTORITYTATEM EXCOMMUNICANDI HABET, UT EAM EXERCEAT PER PRIMOS PASTORES, DE CONSENSU SALTEM PRÆSUMPTO TOTIUS CORPORIS, iidem Præsules agnoscunt autori-

Prop.  
xc.

Ibid. p.  
49.

tatem excommunicandi partem esse potestatis Clavium, quam Christus Apostolis immediate tradidit, in eorumque personâ successoribus eorundem Episcopis, quos Spiritus sanctus posuit regere Ecclesiam Dei; dici tamen posse secundum usitatum sermonem Patrum Ecclesie, potestatem Clavium datam esse Ecclesie & unitati: Præsules illi per totum Orbem christianum quasi tubâ concinunt, damnari à Bulla usitatum sermonem Patrum.

Instructio Pastoralis anno 1714. publicata, declarat hâc propositione EXCOMMUNICATIONIS INJUSTÆ ME-

Præf.  
xc1.

TUS NUNQUAM DEBET NOS IMPEDIRE AB IMPLENDO OFFICIO NOSTRO contineri veritatem, cui omninò contradici non potest, si constet excommunicationem esse injustam, sitque officium illud verum: eandem verò propositionem falsam esse, si excommunicatio non sit injusta nisi in mente illius qui excommunicatus est, sitque officium illud falsum. Non est quod probare nitamur

SANC-

SANCTITATI VESTRÆ *salutem officium; non esse officium; & excommunicationem injustam tantum in mente excommunicati, non esse injustam excommunicationem.* Ita, secundum illos Præsules, non est falsa propositio, nisi cum illi per vim sensus affingitur ab illius verbis plane discrepans; atque adeò injustè damnatur ejusmodi Bulla, quæ in illius damnatione sequitur *ipsum tenorem verborum.*

Uno verbo, ne longius recensendis pluribus exemplis immoremur, damnat Bulla propositiones in sensu obvio, claro, naturali. Si enim Bullæ, si Brevibus, si Litteris Clementis XI. creditur, *res ita distinctè & apertè in Constitutione explicatæ sunt, ita denudatæ, & quasi in propatulo posita, ut declaratione non egeant, omnesque tandem apertæ jam, manifestæque veritati cedere cogantur, nec declarationes in rebus apud ceteros omnes planè perspicuis postulari possint, nisi ab iis, qui pertinaciter recusant videre solem lucidissimæ veritatis, & quasi in nocte, sic in meridie palpare decreverunt.* Illi tamen Præsules non solum persuasum habent declarationum subsidio & ope indigere necessariò Bullam, sed ipsi ad accipiendam eam declarationes abhibent tam dissitas à vero, tam ab ipso verborum tenore dissentientes, tam per vim in alienum sensum detortas, tam à  
com-

communi sermonis usu planè abhorrentes, nihil ut minùs in iis quàm sensus ille ob-  
vius, clarus, naturalis appareat.

Quid ampliùs desiderari potest ad pro-  
bandum evidenter adversis frontibus  
pugnare secum invicem hinc Bullam  
Clementis XI. inde acceptantium Epif-  
coporum Explicationes? An ut declarent  
illi Præsules attributos à se Constitutioni  
sensus esse *coactos & alienos*? An ut a-  
gnoscant *inter unam & centum propositiones*  
*esse quasdam quæ expressis verbis apud SS.*  
Patres legantur; esse *quasdam veras in suo*  
*proprio & naturali sensu, & locutionum for-*  
*mulis admodum accuratas*? An ut apertè  
fateantur *super multis propositionibus, quæ*  
*ad utrumque Fœdus, ad Amorem Dei, ad*  
*Pœnitentiam, aliasque materias pertinent,*  
*ab iis Episcoporum, qui Bullam relativè ac-*  
*ceperunt, derelictam esse ipsius Bullæ litteram?*  
An ut ipsi nos admoneant *satis esse Episco-*  
*porum commentarium cum ipso textu com-*  
*parari, ut intelligatur non idem, sed longè*  
*dispar judicium de damnatis propositionibus*  
*fuisse ab Episcopis & supremo Pontifice pro-*  
*mutiatum*? An denique ut progressi ul-  
teriùs significant vanam sibi spem videri,  
quam Acceptantes præ se ferrent, fore  
ut eorum Explicationes *ratas haberet sum-*  
*mus Pontifex*? Hæc omnia apertiùs eorum  
causæ nocent, quàm ut sperari possit ip-  
sos

I. Inst.  
du C. de  
Noail.

P. 95.

Ibid. p.  
102.

Ibid.  
P. 99.

Ibid.

fos illa ore proprio sponte confessuros. Confessi sunt tamen, SANCTISSIME PATER, ita procul dubio ordinante divinâ Providentiâ, ut Explicationum & Bullæ ipsius inter se invicem dissidium & discordia clariùs emerent, nec possent ullis subtilitatum argutiis obscurari.

Ideò quidem existimarunt illi Præsules  
 Ibid. licere sibi *adventitios & per vim adductos*  
 P. 202. *sensus Constitutioni affingere; ut illius honor factus tectus servaretur.* At, SANCTISSIME PATER, an inde fit multò Bulla honoratior, cujus honori non potest nisi tali viâ consuli? Nonne expeditius erat, & ad servandum fidei depositum tutius, Episcopalisque simplicitatis, & ecclesiasticæ disciplinæ regulis multò magis congruum, Decretum illud, quale est per se ipsum, tale revera haberi, hoc est plane obrepticium, multisque nullitatum vitiis refertum, atque adeò omni ratione licitâ conniti ne illud in Ecclesiâ prævaleret?

Frustra acerrimi Bullæ defensores, ac  
 Second. privatim illustrissimus Suesſionensis Episcopus omnem argutissimarum subtilitatum  
 Avertiff. vim adhibent, ut, contra manifestam  
 P. 38. rei veritatem, puræ & simplici acceptationi fidem aliquam & auctoritatem astruant, ideòque eos Episcoporum, qui appositis à se Explicationibus Bullam restringi



restringi aut modificari putant, consentiunt non censi sui. *Qui potest*, inquit Eminentissimus Cardinalis Noallius eos refellens, *tale factum affirmari eo ipso* 1. In R.  
p. 101. *tempore, quo trignita Episcopi ex iis, à quibus acceptata est Constitutio, aperte declarant... non fuisse eam à se acceptam nisi relativè ad Instructionem Pastoralem? Quæ Constitutionem non accipit, nisi certo quodam sensu definito & designato, nonne is Constitutioni limites & modum ascribit? Si sensus ille à perspecto sensu & animo supremi Pontificis prorsus dissideat, nonne tunc, non modo restringitur, sed etiam quodammodo reprobatæ Constitutio, in iis saltem capitibus, ubi à Romanæ Curie principiis disceditur?*

Talem fuisse illam acceptationem, id quod nemini non aliunde manifestum est si bonâ fide cum Explanationibus Bulla comparetur, rursus demonstratum est, & circulari epistolâ Eminentissimi Cardinalis Noallii ad Pastores suæ diæceseos, & iis omnibus argumentis, quibus ille Præsul luce clariùs ostendit acceptationes illas esse *limitativas & restrictivas*.

Quod igitur Sueffionensis Episcopus affirmat *injuriösam* supremo Pontifici futuram fuisse ejusmodi acceptationem, videat an non sit ipse in eorum numero recensendus, qui illatæ summo Pontifici illius injuriæ habentur rei. At nos ex

D

ipsis

Ibid.

p. 101.

Lettre

4. pag.  
145.

ipsis Acceptantium Episcoporum inter se collatis verbis certò & asseveranter concludimus, rationem eam, quâ Decretum acceperunt, esse Decessori vestro, ex ipsorum principiis, *injuriousam*.

XVIII.

Eadem

Episco-

porum

inter se

compara-

tio rur-

sum inf-

tuitur,

ratione

illius pa-

eis, quam

inito

recens

pacto

conci-

liari

placebat.

Quan-

tùm ius-

tæ spei

sufficere

debet

solers &amp;

perspi-

cax In-

nocentii

xiii.

pruden-

tia.

.

.

.

.

.

.

.

.

.

.

.

.

.

.

.

.

.

Quod spectat ad Appellantes, eadem in Decreto, quæ ceteri, vitia reprehendunt: at sic existimant, abhorrens esse pariter & ab Evangelii simplicitate, & à majestate fidei, ut id à se acceptum profiteantur, quod revera respuunt. Illi, missis ambagibus, Constitutioni adversando, simpliciter se, nec ideo minùs reverenter gerunt, eò additiores sanctæ Sedî, quò Bullæ insensiores. Adhibere in agendo conantur temperatam mansuetudine firmitatem. Non potuere hactenùs aut metuendâ adversariorum potentia debilitari; aut ullo carcerum, exiliorum, interdictionum terrore frangi; aut imperiosis ac minacibus jussis ad silentium adigi; aut acerbâ tot malorum, quæ ipsi Bullæ coæva sunt, diuturnitate superari. Unius Dei memores, violentis hominum conatibus vim invictam veritatis, simulationi & artificio ingenuum apertæ sinceritatis candorem, versutis humanæ prudentiæ consiliis cœlestem fidei sapientiam, atrocissimis quibusque calumniis & durissimis vexationibus testimonium conscientiæ puræ, & pati pro Christo

Christo quidlibet paratæ, constanter opponunt. Hæc enim sunt arma, **SANCTISSIME PATER**, quæ ad defensionem Bullæ adhibentur, vis, dolus, mendacium; tali scilicet causæ benè congrua, sed quibus defendi se veritas erubesceret.

Longè major est numerus eorum, qui sic veritati se suæque omnia consecrarunt, quàm vulgò Bullæ fautores opinantur ac dictitant. Id per se ipsa æstimabit **SANCTITAS VESTRA**, inspectione Actorum, quæ cum illâ communicabimus, si id ipsi videbitur. Non venere omnia in manus nostras, at faciliè poterit **SANCTITAS VESTRA** ex iis, quæ tribus amplis collecta voluminibus apud nos asservantur, quanta sit Appellantium multitudo judicare: quam ipsam longè superat incredibilis numerus eorum, qui eadem non obscure & furtim, sed palam & aperte sentientes, nondum rentur sibi venisse tempus in medium quæ sentiunt publicis instrumentis proferendi.

Non ignorat **SANCTITAS VESTRA**, quid sit eis patiendum, qui postquam adversus tot & tam gravia Bullæ vitia reclamarunt, iidem nunc etiam adversus ipiti recens pacti vitia constanter reclamant. Censuerunt illi silentium, quod semper veritati, ubi ab hostibus impu-

76 *Epistola Septem Episcoporum Gallia*  
gnatur, exitiosum est, eidem nunc longè  
majorem importare perniciem, cum  
finis ille sit imperati silentii, ut sopitis  
omnino controversiarum dissidiis, victrix  
inde Bulla emergere videatur. Interim  
inflicta iis repetito ictu vulnera, eorum  
ut numerum, sic animos augent, ipsi-  
que, & causæ quam tuentur, publicum  
favorem conciliant. Non iis longius  
describendis immorabimur. Quædam  
aliquando tempora incurrunt, ubi res  
ipsæ quàm verba melius loquuntur.

Et verò quis par sit, **SANCTIS-  
SIME PATER**, describendis tot tamque  
acerbis calamitatibus luctuosæ pacis, quæ  
ipsius veritatis & sanctarum regularum  
dispendio sancita est? *Ex eo majoribus per-*  
*turbationibus vexari Ecclesia cœpta est, ut*  
*exulent Episcopi, demutentur Sacerdotes,*  
*plebes terreantur, fides periclitetur, humano*  
*arbitrio ac potestate doctrinæ dominicæ decreta*  
*statuantur. Hoc fides illesa neque nescire se*  
*simulat, neque pati posse profitetur, non se*  
*extra conscientia crimen futuram intelligens*  
*ex ipso dissimulationis assensu.*

Quàm luctuosum offert spectaculum  
tumultus iste & dissensio! Qui accep-  
tant Bullam, immanè quantum alii ab  
aliis discrepant. Pugnant inter se invi-  
cem & variis quas protulerunt explicatio-  
nibus, & variâ ipsarum interpretatione

ex-

explicationum, quas propter ambiguitatem in diversos sensus trahunt, & variâ atque etiam contrariâ ratione eas cum Bullâ conjungendi. Eorum ipsa per se destruuntur ac ruunt principia. In singulis à se ipsi dissident secumque discordant. Plerique ipsorum iis se in speciem adjungunt, quos habent in doctrinâ maximè adversarios : iidemque adversantur iis, quos habent sibi revera conjunctiores. *Confusa omnia & turbida* : S. Gre 9<sup>i</sup> Naz. Orat. 6. P. 34.  
*Non secus atque in nocturnâ pugna, obscurisque Luna radiis, hostium & amicorum omne discrimen perit : vel sicut in navali conflictu & tempestate, ingruentibus ventis, stridente salo, violento impetu fluctuum. collisis inter se navibus, fractisque mutuo impulsu remis, inter personantes undique nautarum clamores, variosque gemitus cadentium, nullus jam datur nec consilio, nec virtuti locus : ita nos (ô acerbum spectaculum!) alii in alios incidimus, mutuisque invicem vulneribus conficimur.... Atque utinam ex eorum numero simus, qui tam fortiter pro veritate, pro supremis & primariis questionibus dimicant, atque in offensiones & odia hominum incurrunt ! In hoc certè numero esse nos gloriabimur. Melius est enim laudabile bellum, quàm falsa pax, quæ à Deo subjungat... Interim in hoc sevientium bellorum astu ; quis Moyses extensis*

78 *Epistola Septem Episcoporum Gallia*  
*suprà montem in crucis formam manibus*  
*victoriam è cælo accerset? Quis Josue sub*  
*illo duce & imperatore dimicans dominicas*  
*acies reget? ... Aut potius quis Noë, quis*  
*Jacob, quis Daniel pro nobis orabit, ut*  
*bellum hoc nobis paulum conquiescat, ut ad*  
*nos ipsos redeamus, ut alii alios tandem*  
*agnoscamus? Tu eris ille vir, SANC-*  
*TISSIME PATER: id enim confi-*  
*denter à divinâ Providentiâ speramus,*  
*fore ut SANCTITAS VESTRA, sua-*  
*rum precum assiduitate, consiliorum pru-*  
*dentia, caritatis sollicitudine, finem om-*  
*nibus his-ce motibus ac discordiis tandem*  
*aliquando imponat.*

**XIX.** Oppugnata à tot hostibus religionis  
 causam SANCTITAS VESTRA sus-  
 cipiat, nec recuset Ecclesiam in tam  
 acerbâ calamitate consolari, declarando  
 solemniter abusus, nullitates, & vitia  
 ejus Constitutionis, quâ Patrum omnium  
 locutiones, ac perpetua Ecclesiæ Ro-  
 manæ traditio damnantur.

Non est opus ad id vehementioribus  
 precibus urgeri SANCTITATEM  
 VESTRAM. Ultro ipsa properabit  
 votis nostris ire obviam, satis per se in-  
 telligens quid in tam gravi negotio ab  
 illâ postulet sanctæ Sedis gloria, veritatis  
 in extremum discrimen adductæ salus,  
 totiusque Ecclesiæ tranquillitas. Judi-  
 cabis

Varie  
 hujus ne-  
 gotii  
 finiendi  
 via quæ  
 proponi  
 poterunt  
 summo  
 Pontifi-  
 ci, com-  
 parantur  
 cum ea  
 quam  
 ipsi ultro  
 offert  
 provi-  
 dentia.

cabis facile, SANCTISSIME PATER, utrum sit ad Romanæ curiæ gloriam accommodatius, an ut illa omnino velit in perpetuum stare ejusmodi Decretum, quod tam manifestè & fidei dogmatibus, & morum regulis adversatur; cujus intoleranda vitia multis nequicquam simulationum involucris & quasi velis quibusdam obtenta, palam in lucem erumpunt; quod acceptantes Episcopi eâ ratione admittunt, quæ, secundum eorum principia, silentio ipso longè *contumeliosior* est summo Pontifici; à quo celeberrimi Ordines, pietatisque & doctrinæ famâ spectatissimi viri appellationem instituerunt ad Generale Concilium, in quâ invicto animi robore perseverant; an verò ut congruenter regulis Innocentii III. clarissimi Papæ gentilis tui, congruenter usui perpetuæ Ecclesiæ, constantissimisque sanctæ Sedis institutis, palam declaret, Decretum illud esse obrepticium, & sanctissimas Ecclesiæ Romanæ leges ab eo multis capitibus violari.

Docent nos sacra Ecclesiasticæ Traditionis monumenta, ipsi sanctæ Sedi nihil interdum opportunius, nec magis necessarium visum esse, quàm si lata à nonnullis Romanis Pontificibus Decreta quædam infirmaret, atque etiam eorum,

80 *Epistola Septem Episcoporum Gallie*  
qui in temerè suscepto à se consilio ad  
obitum usque perseverassent, memoriam  
ignominiâ notaret : *Decus nostrum*, in-  
quiebat olim Clerus Romanus, *in hoc*  
*positum est*, ut antiqua apud nos severitas,  
antiqua fides, antiqua disciplina servetur.  
*Quarum laudum & gloria degenerem fuisse*  
*maximum esset crimen.* Hanc certè ma-  
culam, S A N C T I S S I M E P A T E R,  
sanctæ Sedis gloriæ aspergeret tam infausta  
Constitutio.

Epist.  
ad S.  
Cypri.

Stare illam diutius, & relinqui res in  
eo statu, in quo nunc sunt, hoc est,  
veritatem in extremo periculo, & Ec-  
clesiam in summâ confusione: an hoc pos-  
set utriusque sic amans S A N C T I T A S  
V E S T R A perpeti?

Imperare utrique parti silentium, &  
quasdam belli velut inducias præscribere  
novi examinis prætextu, aut alio quoli-  
bet; præterquàm quòd id consilii parum  
habet dignitatis & multum periculi, do-  
cere nos debuit præteriti experientia, ni-  
hil aliud ejusmodi induciis, nisi vehe-  
mentiore excitata discordiæ flam-  
mam. Aliunde mûtum & otiosum ma-  
nere, dum impugnatur veritas, scelus  
est. Sic denique redundans ex hoc  
Clementis XI. Decreto labes æterna fie-  
ret, & in omnem consequentis temporis  
perpetuitatem propagaretur.

Pro-



Proponetur absque dubio SANCTITATI VESTRÆ Explicationum via, ita ut vel editas jam in lucem ab acceptantibus Episcopis SANCTITAS VESTRA comprobet, vel ipsa proponat novas.

Non possumus nobis inducere in animum fieri posse, ut SANCTITAS VESTRA ex his duabus viis sequatur priorem. Haud ignoras, SANCTISSIME PATER, quàm multis, & quàm gravibus hoc opus laborare vitiis demonstratum sit; quid de illo cordatissimi quique & doctissimi viri judicarint; quàm vehementer sit ei ab omnibus regni partibus reclamatum; quàm apud singulos ordines plurimis fixum obstinatumque nunquam illud quocumque tandem modo accipere.

Ad has, quæ ex ipsâ re nascuntur, insuperabiles difficultates, accedunt ex judicandi formâ, & consequentibus inde periculis, non leviores aliæ, ad quas haud satis attendisse animum videntur acceptantes Episcopi. Hâc viâ scilicet in Ecclesiam inducitur Patribus nostris ignota methodus, cujus adminiculo poterunt in posterum sanctissima Decreta eludi, purissimæ locutiones damnari, ipsius Scripturæ & Traditionis sermo proscribi, & contraria inter se duo, quorum alterum ait, alterum negat, vi-

82 *Epistola Septem Episcoporum Gallia*  
cissim pariter , prout id varia partium  
studia exigent , censurâ notari. Quid  
enim non poterit aut rejici aut recipi,  
si semel invaluerit licentia affingendi  
verbis pro nutu & arbitrio sensus alie-  
nos & coactos? Huic autem tam peri-  
culosæ methodo locum & auctoritatem  
darent comprobatæ (quod absit) à san-  
ctâ Sede ejusmodi Explicationes.

At nonne huic pariter locum daret  
SANCTITAS VESTRA, si ipso suo  
nomine novas Explicationes promulgaret?  
Quo magis Explicationes illæ cum per-  
petuâ Ecclesiæ doctrinâ congruent , eò  
validius doctrinam Constitutionis impu-  
gnabunt. Ejusmodi autem Explicationi-  
bus, præterquam quòd manifestè contra-  
diceretur Clementi XI. qui ipse expres-  
sis verbis hanc rejecit viam , nonne eo-  
dem tempore & clara jam nimium Bullæ  
vitia majori adhuc in luce collocantur , &  
hæc ipsa tamen tot scatens vitiis Bulla pro  
canonico sanctæ Sedis judicio , & fidei  
regulâ palam proponitur? An patitur  
simplicitas Evangelii , & Religionis inte-  
gritas, ut in eâdem professione fidei,  
Est & Non , lux & tenebræ , veritas &  
error copulentur?

Dux-ne super doctrinâ definitiones di-  
versæ à se invicem & pugnantes; qua-  
rum

rum simul in Ecclesiâ vigentium par esset in speciem pondus, par autoritas, valerent ad id, ut animi in unum coalescerent, & stabilis demùm ac vera pax restitueretur? At aliundè, si hæc semel alieno sensu quasunque res interpretandi licentia invalescat, nonne sic patebit etiam via, quâ illæ ipsæ Explicationes mox recentibus aliis infirmentur?

Ceterùm poterant ipsi quidem Clementi XI. prodesse explicationes, ad expurgandam, quam de se non immeritò concitarat, pravæ doctrinæ suspicionem, & vitandum Concilii adversus se iudicium: at possunt-ne ipsius Constitutionis mutare naturam, & efficere ut salvâ veritate possit admitti?

Considerare SANCTITAS VESTRA dignetur tot Acta, tot testimonia, tot scripta Appellantium, in quibus alii ab ipso statim orti huius negotii exordio, alii deinceps ipso eventu, & attentâ consideratione rerum melius edocti, tam solemniter declarant, se nunquam Constitutionem *Unigenitus*, quocunque demùm illa modo proponatur, accepturos; & donec abolitum fuerit Decretum illud, nullis se minarum terroribus, aut vexationum acerbitatibus, aut aliâ quacunque demum ratione compulsam iri,  
ut

84 *Epistola Septem Episcoporum Gallia*  
ut Appellationem, quam ad veteris doctrinæ defensionem instituerunt, constanter urgere & persequi desistant.

Plura in hanc rem non adjiciemus, SANCTISSIME PATER; cetera, quæ à nobis omittuntur, SANCTITAS VESTRA pro suo singulari tuendæ sanctæ Sedis gloriæ, conservandæ veritatis, & pacis Ecclesiarum procurandæ studio abundè supplebit. Spem nobis maximam affert religio tua, fore ut oblatam ultrò à divinâ Providentiâ viam amplectaris, hoc est, fore ut subrepticiam declares Constitutionem *Unigenitus*, totique Orbi manifestes, quantum ab eo absit SANCTITAS VESTRA, ut tueri velit ejusmodi Bullam, quæ damnat propositiones Sanctorum Patrum, voces summorum Pontificum, Decreta Conciliorum Generalium, & ipsum Scripturæ sacre sermonem; eoque demùm tendit, ut sacra transmissæ ad nos uno tenore ab Apostolicis usque temporibus Traditionis catena, velut solutis in medio nexibus, disrum-patur.

XX.  
Concili  
Genera-  
lis neces-  
sitas.

Hanc quoque firmissimam spem habemus, cumulatam vota nostra SANCTITATEM VESTRAM conyocatione Concilii Generalis: quod necessarium jam pridem, vehementerque desideratum à bonis

bis omnibus remedium, nunc etiam urgentius postulat multitudo illa incredibilis tot malorum, quæ infelici Bullæ ortum dedere, & quibus vicissim ista Bulla incrementum & quasi cumulum addidit vetustis vulneribus, quæ tot Patribus nostris lacrymas & gemitus expresserunt, nova insuper adjiciendo vulnera.

Ex quo enim illa Constitutio in lucem prodiit, quantum infirmata & imminuta doctrinæ sanitas! Quæ in disciplinam morum invec̃ta corruptio! Quot propositiones erroneæ, perniciosæ, blasphematoriæ, in diversis regni partibus docentur! Quot referti hac doctrinâ libri, nihil aliud quàm discordiæ flammam & schismatis dissidium spirantes, Romæ etiam, & jussu Clementis XI. disseminati sunt! Quàm infinita malorum multitudo grassatur per diversas Ecclesiæ partes! Hic cultus Idolorum cum vero Dei cultu coadunatus: Illic orbata omninò Pastoribus Ecclesiæ, aut alienis in prædā derelictæ, non sine summo hæreticorum scandalo: multis in locis vana tantum, animæque & spiritu carens Religionis species, substituta in locum veræ solidæque pietatis: in quibusdam etiam erectâ cervice dominans impietas: in omnibus fere

pas-

86 *Epistola Septem Episcoporum Gallie*  
passim invalescens deploranda Evangelii  
ignoratio, crescensque in dies laxioris  
vitæ, novitatis, & mundanæ superbie  
studium.

S. Bas.  
Ep. 91.  
ad S. A-  
than. Nos quidem, cum statum hunc presen-  
tem rerum intuemur, animûmque ad eas  
difficultates advertimus, quibus omnis planè  
boni spes & affectio quibusdam quasi vin-  
culis impedita destinetur, parum abest  
quin de rebus nostris omnino desperemus.  
Cum verò ad istam excelsa mentis gravi-  
tatem convertimur, SANCTISSIME PA-  
TER, cogitamusque te morborum, qui per  
Ecclesiam seviunt, medicum fuisse à Do-  
mino nostro constitutum, nunc resumptis  
viribus, ab illà desperatione, quæ nos pe-  
nitùs afflixerat, ad meliorem spem ani-  
mum erigimus. Dissoluta est omnino Ec-  
clesia, quemadmodum neque SANCTITAS  
VESTRA ignorat: Et cum singulas ejus  
partes ex isto sublimioris animi fastigio, &  
velut speculâ consideras, vides quomodo col-  
lisis inter se navigantium in eodem mari  
navibus, jam naufragium imminet, par-  
tim vi procella, quæ violenter fluctus ciet,  
partim confuso tumultu, & mutuâ inter  
se invicem conflictatione navigantium. Suf-  
ficere debet hæc breviter adumbrata nostro-  
rum malorum imago. Plura à nobis ad-  
jici nec postulat tue mentis sagacitas, nec  
pre-

præfens iste rerum status liberè patitur.  
 Quis autem regendo in tam sevâ tempest-  
 tate clavo par erit gubernator? Quis ido-  
 neus suscitare Dominum, ut etiam nunc  
 mari & ventis imperet? nisi ejusmodi  
 Pontifex, cui hæc demum solida vide-  
 tur gloria, ut per eum triumphet Vê-  
 ritas; hæc præstans magnitudo, ut pro-  
 grege Christi totum se devoveat; hæc ve-  
 rò felicitas, ut in diebus ejus regnet ju-  
 stitia & abundantia pæcis. Magnâ cum  
 reverentiâ subscripsimus,

SANCTISSIME PATER,

SANCTITATIS VESTRÆ,

Obsequentissimi ac devotissimi servi ac  
 filii,

✠ FRANCISCUS, olim Episcopus Tor-  
 nacenſis.

✠ JOANNES-BAPTISTA, Episcopus  
 Apamiensis.

✠ JOANNES, Episcopus Senecensis.

✠ CAROLUS-JOACHIM, Episcopus  
 Montis-peſſulani.

✠ PETRUS, Episcopus Bolonienſis.

✠ CA.

88 *Epistola ad Innocentium XIII.*

✠ CAROLUS, Episcopus Autissiodoren-  
rensis.

✠ MICHAEL, Episcopus Matisconensis.

Quinto Idus Junii.

*Et hac erat Inscriptio:* Sanctissimo Domino,  
Domino nostro Innocentio Papæ  
XIII.

F I N I S.